


# MAMBU YA BILUMBU

## YAYI ME MONISAMA

### PWELELE NA NZILA YA PROFESI

 Beto kulumusa bayintu ya beto. Tata ya Mazulu ya luzolo, beto ke tonda Nge na nkokila yayi samu ti Nge ke pesa mvutu na kisambu samu na beto. Kento yayi ya mputu me tandama kuna, lipaso yina ba salaka me simba ve. Kasi, O Nzambi, beto ke bambuka moyo ti lipaso ya ntete salamaka na ntoto, Nge salaka yawu Nge mosi. Nge bakaka na lweka ya Adam, na lumpanzi, kangaka mputa, mpe salaka kento. O Tata, mu ke sambila na nkokila yayi ti diboko ya Nge ke kulumuka ntangu yayi mpe ke lungisa kima yayi ya nene yina beto ke lomba. Mpe bayankaka yayi, Mfumu, kento yayi yina ke na kubelaka kimbevo ya yintu, bayina nionso kele na balombilu, beto ke pesa bawu kaka na Nge, Tata, na bantima ya beto ya muvimba. Na Nkumbu ya Yesu Klisto. Amen.

Kieleka ya kele bweso na kuvwanda awa na nkokila yayi mpe kuzwa kimvuka ya mbote ya nene yayi na kutala. Mpe bankunga ya kitoko, mwa chorale ya mbote. Mu vwandaka banza kaka na mutindu ya luswaswanu, na kumonaka bana-babakala yayi ya kutelama kuna na . . . bana ya babakala ya bunkete, na bansuki ya kuzenga kitoko. Mu vwandaka banza, mazono na nkokila, na—na kisika yina mu kele ya kutelema; nkonga ya bimpumbulu kotaka kuna mpe vwandaka meka na kudindisa mwana-bakala mosi na kiziba ya masa; ba zolaka bokila lusalusu mosi samu na kubasisa bawu kuna. Wapi luswaswanu, kumona bana ya kutelama, na kuyimbaka minkunga ya Nsangu ya mbote; wapi luswaswanu.

<sup>2</sup> Na kubanzaka, mutindu Mpangi Henry tubaka kuna, “babakala yina ke na bansuki mutindu bakento zolaka kuzwa yawu,” beno me mona. Ya—ya—ya kele kieleka. Ya ke talana mutindu. . . Mu ke mona bana ya babakala yayi ke meka yawu, bawu kele na bansuki yina, bawu ke tulaka bigoudis na kati ya yawu, pene-pene ya kizizi ya bawu. Mpe mu zaba ve, bantangu yankaka mu me lembe. Ya ke talana mutindu ya—ya kele ntangu ya kubeba. Babakala ke meka na kulwata bilele ya bakento, mpe bakento na kulwataka bilele ya babakala. Mpe babakala ke na kubikaka bansuki ya bawu mutindu bakento, mpe bakento na bansuki mutindu babakala. Yinki diambu na bantu yayi, na mutindu nionso? Ya kele, kieleka, mvwatulu ya kulunga mpe buzitu me bika yinsi yayi mpe bantu yayi, yinza yayi?

3 Yayi kele ntangu ya boma, kasi ya kele ntangu ya kulutila nkembo na yinza, samu na kulonga Nsangu ya mbote. Kana mu lendaka telema na kubanda ya ntangu na ntete yawu zinga, mpe Tata lendaka tala munu, mpe tubaka, “yinki ntangu na kati ya bansungi yayi nge zola kulonga?” Mu ke zola sala yawu na ntangu yayi, kaka ntangu yayi, na ntwala ya Nkwizulu ya Yandi.

4 Na kutalaka na zulu ya bantu, ya kuvwanda awa na ntwala ya beto. . . Nkundi ya munu ya longi, na Tucson mazono, vwandaka nata mpunda. (Mu vwandaka banza na bakala yayi na. . . kento yayi na kimbevo ya diske na mukongo ya yandi.) Mpunda yayi losaka yandi. Bakala yankaka bokilaka munu na ngunga mosi na suka yayi, na hotel ya munu, mpe yandi tubaka, “Bakala yayi kele na Lupitalu ya ba-Veteran, mpe meso ya yandi kele na maneti, mukongo ya yandi ya kubukana, ba-rein ya yandi me kota na kati, mpe ntima ya yandi kele pene ya kukangama.” Mpe kuna mu fukamaka, na makulu ya munu; na alo-alo, mu bokilaka yandi na alo-alo, mpe mu sambilaka samu na yandi. Mpe yandi kele ya kuvwanda awa na nkokila yayi, ya kuvwanda kaka awa. Yina vwandaka mazono na nkokila. Bob, beno zola telama kuna? Ya kele bakala yayi, yina kele kuna. Nzambi ke pesaka mvutu na kisambu, na suka, na nkokila, na midi, na kati-kati ya mpimpa, to na konso ntangu yina.

5 Ntangu yayi, mu—mu kele mulongi yina ke lembaka ve, mutindu ba ke tubaka yawu. Ya ke kwamisa munu fioti na kubanda na kulonga na ntangu yayi ya nkokila, mpe—mpe mu banzaka ti mu ke basika kaka. Na nkokila yankaka yina, na yina, beto vwandaka zonzila awa na kisika mosi, mpe. . . baminuti kumi na tanu na manima mu bakaka ndinga, bantu vwandaka ke lokota malonga mpe salaka munu kidimbu mosi, “Bika! Kanga yinwa, nge fwana basika awa,” ba vwandaka kunwa makaya, mpe vwandaka dasuka. Ya vwandaka ve foti ya bayina bongisaka madya ya mukembo, ya vwandaka bantu yina futisaka beto yawu. Mpe kento ya president kwendaka kuna mpe tubaka yawu na patron, yandi tubaka. . .

6 Yandi tubaka, “Mbote, beno zolaka basika awa na nkokila yayi na ngunga ya yivwa na ndambu.”

7 Yandi tubaka, “Beno me tulaka yawu ata fioti ve na kontra.”

8 Mama yayi, na nkokila yayi, yandi me kwisa awa (kieleka mama ya mbote) mpe yandi tubaka, “Beto me bakula ti beno ke na nsatu ya yawu,” yandi tubaka, “beno baka yawu kaka ntangu nyonso beno zola.” Na yawu ya vwandaka kieleka mbote. Na yawu mu ke vutula matondo mingi samu na yawu. Ya kele kieleka mbote.

9 Mpangi Henry, kieleka mu ke sepela na bumbote ya nge—ya nge ya kubokila munu awa, mpe na lukutakanu yayi.

10 Mu kuzwaka ntangu ya mbote mazono na nkokila ya kuvwanda awa na ba-Assemblée de Dieu kisika mu ke kwikila

ti Mpangi Boone kele pasteur. Mu vwandaka na ntangu mosi ya mbote kuna na kimvuka ya bantu yina. Mpe mbasi na nkokila beto ke kwenda kisika mosi kuna, mu zaba ve kisika ya kele, mpe ya kele kimvuka yankaka. Ba ke kipe yawu; mu ke landila kaka na kusambila, kutanga, mpe kulandila bawu, mpe ya kele nyonso yina mu lenda sala.

<sup>11</sup> Kasi, ntangu yayi, beto ke na kumona bima ya ngitukulu na kilumbu yayi. Ntangu yayi mu me bambuka moyo na ntangu ya nsuka yina mu vwandaka awa, ya vwandaka na lukutakanu ya tenta. Mu ke bambuka moyo mu vwandaka zonzila yawu mazono na nkokila, mwa bankwelani yina nataka bébé ya bawu ya kufwa. Ya—ya kele na zulu kisika mosi na zulu awa, bawu tambulaka na ditoma kilumbu ya muvimba mpe mpimpa ya muvimba. Mwa mama yayi ya kuvwanda, ya kyadi, simbaka mwa bébé yina na maboko ya yandi. Ntangu yayi, yandi lendaka vwanda ya kuvwanda kaka awa ntangu yayi, samu na nyonso mu zaba. Mpe yandi . . . mwa bakala ya fioti, ya vwandaka na bankwelani zole to tatu kulutila na bawu, mpe bawu vwandaka . . . Mpe yandi tubaka . . . yufulaka munu kana mu ke kwiza (bakala yayi) na ditoma. Mu basisaka mwa bébé yango mpe mu simbaka mwa bébé yango, ya kufwa, na nzutu ya kukangama, ya madidi; mpe mu bandaka na kusambila. Mpe ntangu mu sambilaka, ti nzutu yango bandaka na kuwa mutindu ya vwandaka kukuma na tiya. Na yawu mu kaka . . . Mu landilaka na kusambila. Yandi bandaka na kubula makulu mpe vwandaka ningana, yandi vwandaka landila, na yina mu . . . yandi bandaka na kudila. Mu vutulaka yandi na mama ya yandi, yandi vutukaka na yinzo na yandi. Na yawu, bawu zolaka vwanda ve Miklisto, samu na nyonso mu zaba. Beno me mona? Ya vwandaka mbote mingi.

<sup>12</sup> Kasi yina mu ke na kubanza, na nkokila yayi, mu zaba dibuundu yina ke na kufwa, mpe, ya kele bantu ya beto ya Pantekote. Beto fwana ningana mpe kubasika na yayi, uh-huh, yimeni. Mpe mutindu mosi kaka beno ke sala ya kele kusambila mpe kusungama na Ndinga ya Nzambi. Ya kele kaka mutindu mosi kaka beto ke sala yawu. Ya kele kaka na nzila mosi samu na kubasika kuna, Yandi kele Nzila yina, Yesu Klisto mutindu mosi mazono, bubu yayi, mpe kukonda nsuka. Beto zola ti dibuundu ya beto kukota na nzila yina mutindu yandi tubaka kuna, mutindu na Angleterre? Ya kele samu na yina mu ke vwandaka, mutindu beno ke banza, ke lwadisa mingi, na kusembaka beno. Mpe mu zola ve kusala yawu, kasi mu zola ve kumona dibuundu kukota na nzila ya mutindu yina. Beno zola vwanda ve na mutindu yina. Beno—beno fwana kotisa Yawu na ngolo nionso tii kuna beno ke kotisa Yawu mpe beno ke sala ti Yawu kukangama. Ya fwana salama.

<sup>13</sup> Na yawu ntangu yayi, na nkokila yayi, mu kele kaka . . . na mwa Masonuku mpe dilongi awa mu zola kuzonzila mwa ntangu

fyoti. Mu ke pesa ve ntangu mosi. Beno me lemba, na yina . . . Mu lendaka sukisa na minuti makumi tatu, mpe ya me tala kaka na . . . Mu ke bikaka yawu ntangu nyonso na Mpeve-Santu, na mutindu nyonso Yandi ke twadisa munu.

<sup>14</sup> Beto kulumusa bayintu ya beto na mwa ntangu fioti diaka, beto tuba na Musoniki na ntuala beto zibula Buku ya Yandi.

<sup>15</sup> Nzambi ya Ngolo nyonso, Musoniki ya Buku yayi, na nzila ya Yesu Klisto beto ke sambila. Beto ke vutula matondo samu na yina beto me kuwa yimeni na nkokila yayi. Kana beto fwana—fwana ndima lukutakanu yayi na kutubaka, “Amen,” mpe kukwenda na yinzo, ya vwandaka mbote na kuvwanda awa, samu ti beto zaba ti Nge me vwanda na beto. Mpe, Tata, na yina beto ke zibula Ndinga yayi, ntangu yayi zonga na beto mbala mosi na nzila ya Ndinga yayi, ti beto lendaka zaba ngunga yina beto ke na kuzinga. Kana beto zaba ngunga yina beto ke na kuzinga, na yina beto lenda kubama samu na ngunga yina; kasi kana beto kota mutindu bampofu na kuzabaka ve *yinki* to *wapi*, na yina beto zaba ve wapi mutindu kuyilama. Na yawu, Tata, beto ke sambila ti Nge ke bika beto kumona Nzaza kuna, mpe Kielo, ya kuzibuka, mpe Nsangu ke bokila beto na kati. Pesa yawu na Nkumbu ya Yesu Klisto. Amen.

<sup>16</sup> Na Masonuku ya Santu, mu zola kutanga dilongi mosi awa, yina kele kuna na Buku ya Santu Luc, na kapu 24, . . . Mu ke banda na nzila ya 13, mpe mu ke tanga kitini ya Yawu.

Mpe, tala, zole ya bawu kwendaka kilumbu mosi na *bwala yina ba bokilaka Emmaüs, yina vwandaka ntama na Jerusalem pene ya bitamina—bitamina makumi sambanu.*

*Mpe bawu vwandaka zonga kintwadi . . . bima yayi yina salamaka.*

*Mpe ya salamaka ti, na ntangu bawu vukanaka kintwadi mpe . . . Yesu kwisaka pene-pene, mpe kwendaka na bawu.*

*Kasi meso ya bawu vwandaka ya kukangama ti bawu zolaka zaba yandi ve.*

*Mpe yandi tubaka na bawu, Wapi mutindu ya kusolula yina beno kele na yawu mosi na yankaka, mutindu beno ke tambula, mpe beno kele na mawa?*

*Mpe mosi ya bawu, nkumbu ya yandi vwandaka Cléopas, vutulaka mvutu mpe tubaka na yandi, Nge kele nzenza mosi kaka na Jérusalem, mpe nge me zaba ve bima nyonso yayi yina me salamaka . . . na bilumbu yayi?*

*Mpe yandi tubaka na bawu, Yinki bima? Mpe bawu tubaka na yandi, Samu na Yesu ya Nazareth, yina vwandaka profete ya ngolo na kisalu mpe ndinga na ntuala ya Nzambi mpe bantu nyonso:*

*Mpe mutindu bamfumu ya banganga-Nzambi mpe bamfumu yekulaka yandi na . . . pesaka yandi kitumbu ya lufwa, mpe komaka yandi na kulunsi.*

*Kasi beto vwandaka na kivuvu ti ya vwandaka yandi yina fwanaka kuvulusa Israel: mpe na nyonso yayi, yayi kele kilumbu ya tatu kubanda bima yayi me salama.*

*Yinga, mwa bakento yankaka me yitukisa beto mingi, yina kwenda . . . na ntoni;*

*. . . ntangu ba monaka ve nzutu ya yandi, ba kwisaka, na kutubaka, ti ba monaka mpe vision ya bawanzio, yina tubaka na bawu . . . yina tubaka ti yandi vwandaka moyo.*

*Mpe bayankaka ya bawu yina vwandaka na beto kwendaka na ntoni, mpe monaka yawu mutindu bakento tubaka: kasi yandi bawu . . . kasi bawu monaka yandi ve.*

*Na yina yandi tubaka na bawu, O bilawu, mpe malembe ya ntima na kukwikila (ve samu na kukwikila) nyonso baprofete zonzaka:*

*Ya fwanaka ve ti Klisto tala mpasi ya bima yayi, mpe . . . kukota na nkembo ya yandi?*

*Mpe kubanda na Moise mpe baprofete nionso, yandi bendaka bawu . . . masonuku nionso bima yina me tala yandi mosi.*

Bika ti Mfumu kubwela balusakumunu ya Yandi na ntangulu ya Bandinga ya Yandi.

<sup>17</sup> Ntangu yayi mu ke baka . . . kana mu zola bokila yawu dilongi, mu ke zola kubaka yayi: Mambu . . . *Mambu Ya Bilumbu Yayi Me Monisama Pwelele Na nzila ya Profesi*. Ntangu yayi, ya ke vwandaka ntangu nyonso mutindu ya Nzambi . . . nzila ya Nzambi yina ke sobaka ve na kutuba ntwa- . . . ti bantu ya Yandi zaba na ntuala mambu yina ke salama.

<sup>18</sup> Kana bantu na bilumbu ya Mfumu Yesu zolaka kaka kusosa Nzambi mpe zabaka yina zolaka salama, bawu zolaka ya kufundisa Yesu tii na lufwa. Kasi ya kele samu na yina ya vwandaka, samu ti Masonuku zolaka salama, samu ti ba-Juif zolaka vwanda ya kufwa meso. Beto nyonso zaba yawu.

<sup>19</sup> Beno me bakula ti ba silaka yawu diaka na nsungi yayi beto ke na kuzinga? Nsungi ya Dibuundu ya Laodicée, nsungi ya dibuundu ya sambwadi yayi yina beto kele ntangu yayi, kele kinkonga, na mpasi, mpofu, mpe nge zaba yawu ve. Mutindu mosi Yandi kufwaka meso ya bawu na manima kuna samu na lukanu ya kubaka Nsangu ya Yandi na nzila ya bantu yina soolamaka, Yandi silaka na kusala kima mutindu mosi bubu yayi.

<sup>20</sup> Mpe kana mu lendaka tuba yayi samu na kuvwanda na luzitu na bampangi ya munu nionso ya babakala mpe bampangi ya bakento kati na Klisto: Mosi ya bilumbu yayi muntu ke tuba, “Ya kele ve ya kusonika ti bima yayi ke salama ntete?”

<sup>21</sup> Mpe ya ke vwanda mutindu mosi ya vwandaka ntangu yina, “Ya kieleka, mu ke tuba na beno, yandi me kwisa dezia, mpe ba salaka yandi yina ba me zola.”

<sup>22</sup> Ntangu ba yufulaka Yandi, ba tubaka, “Kasi, misoniki tubaka, mpe Masonuku ke tuba ti—ti ‘Elie fwana kwiza ntete.’” Bawu tubaka yawu na Yesu.

<sup>23</sup> Yandi tubaka, “Yandi me kwiza dezia, mpe beno zabaka yandi ve.” Beno me mona? Mpe ya kele mu banza mutindu yina ya ke suka dyaka.

<sup>24</sup> Ntangu yayi beto zola ba zabisa beto samu na kuzaba yina ke salama samu na nsungi yayi yina beto ke na kuzinga. Nzambi me pesa Ndinga ya Yandi na konso nsungi, mwa kitini mosi na konso nsungi, mpe beto fwana tala ti nsungi mosi lenda ve kulandila na nsungi yankaka. Ya ke simba ve. Mumbandu, mutindu mu vwandaka me tuba, mu banza mazono na nkokila to. . . Mu ke zonzaka ntangu nyonso, nkokila na manima ya nkokila, na bisika ya mutindu na mutindu, mpe bantangu yankaka mu ke salaka mulabu na mbala ya zole. Mu zola ve kuvutukila bandinga ya munu mosi, kasi ya. . . Mu ke tuba yayi: Yinki zolaka. . . wapi mbote ya zolaka sala Moise na kumeka na kulonga nsangu ya Noé? To wapi mbote ya zolaka vwanda. . . zolaka sala Yesu na kumeka na kulonga nsangu ya Moise? To wapi mbote ya zolaka sala na Martin Luther na kulandila na nsangu ya Katolika? Wapi mbote ya zolaka sala Wesley na kulandila na nsangu ya ba-Lutherien? Wapi mbote ya zolaka sala na ba-Pentecotiste na kulandila na nsangu ya ba-Methodiste? To wapi mbote ya ke sala ba-Pentecotiste na kulandila ntangu ba ke bokila Kento ya makwela? Beno me mona, beto kele kaka na ntangu ya nkuna, beto kele awa na ntangu ya nsuka. Ntangu yayi, kana mbuma ya blé kubwa ve na ntoto, yawu ke zinga kaka yandi mosi.

<sup>25</sup> Mutindu museki yayi, mutindu mu me sala milabu kubanda kubasika ya buku yayi, kukondwa ntembe ti beno kele na yawu awa na mbanza ya beno—ya beno, ya musoniki yina ya Allemand sonikaka mukanda mosi ya masawula mingi. Yandi kele muntu ya kukwikama ve. Kieleka ve. . . Mu ke na kufundisa yandi ve samu ti yandi fundisaka munu mutindu yina; kasi, samu ti, na kuvwandaka muntu ya kukwikama ve, ba zolaka ata fioti ve kumwangisa buku yango. Mpe yandi tubaka, “Nzambi yina lendaka vwanda mpe kutuba ti Yandi lendaka zibula Mubu ya Mbwaki mpe kuvulusa bantu ya Yandi, mpe na manima yandi me vwanda na maboko ya Yandi ya kufutika na zulu ya kifundu ya Yandi mpe kumona na ntangu ya Bansungi ya Mudidi Baklisto yina ba vwandaka pasula na bankosi; bamama yina

na bansuki ya bawu ya kufuluka na goudron, mpe ba komaka bawu na bakulunsi mpe ba yokaka bawu na tiya; mpe ba-bébé ya bawu . . . bamama yina vwandaka vingila bana, ba vwandaka zibula bawu kivumu mpe vwandaka bula zeke na zulu ya sexe ya mwana yango; mpe me vwanda mpe me bika yawu kusalama; bantu yina zolaka vwanda bisadi ya Nzambi yayi.”

<sup>26</sup> Beno me mona, Masonuku kele lutwadusu ya kimpeve. Ata mbala mosi ve ti beno lenda zaba Masonuku kaka ya kuvwanda mpe kutanga Yawu landila mutindu ya théologie, landila mutindu ya ndongosolo; ata mbala mosi ve ti ya me salaka.

<sup>27</sup> Mu vwandaka zonza na longi mosi ya Baptiste ntama mingi ve, yandi tubaka, “Tii beto ke longuka Grec ya kieleka, tii beto . . .”

<sup>28</sup> Mu tubaka, “Na Lukutakanu ya Nicée, na ntwala ya yina, bawu vwandaka zonza na yina me tala bampova ya Grec na Biblia.” Beno ke zaba Yawu ata mbala mosi ve.

<sup>29</sup> Biblia ke monisama pwelele na nzila ya lutwadusu ya kimpeve. Ya kele kaka mutindu mosi, luzayikisu. Yesu tubaka na Pierre, “Na zulu ya ditadi yayi.” Ditadi yayi ya luzayikisu ke monikisa Nani Yandi kele. “Kyese na nge Simon, mwana ya Jonas, nsuni mpe menga ve me monikisa yayi na nge, kasi Tata ya Munu yina kele na Mazulu me monikisa yayi na nge; na zulu ya ditadi yayi Mu ke tunga Dibuundu ya Munu.” Ve na zulu ya Pierre, ve na zulu ya Yandi mosi, kasi na zulu ya luzayikisu ya kimpeve ya Nani Yandi vwandaka.

<sup>30</sup> Mpe Yandi kele Ndinga! Santu Jean 1, “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi. Mpe Ndinga kumaka nsuni mpe zingaka na kati-kati ya beto.” Hebreux 13:8, “Yandi kele mutindu mosi mazono, bubu yayi, mpe kukonda nsuka.”

<sup>31</sup> Na yina beto ke na kuzinga na kilumbu yina kumonisama ya Ndinga ya Nzambi fwana kwiza na nsungi ya mutindu yankaka kulutila nsungi ya Pantekote. Mpe ya kele kieleka. Beno bambuka moyo, beno ke . . . Mu kele muntu yina me longukaka ve; kasi beno lenda ve kusala mbote mingi kulutila yinza, samu ti Nzambi ke salaka na kulandila ya yinza. Kaka mutindu, mutindu mu vwandaka me tuba, mwini ke basikaka mpe ke lalaka; mpe ke tambula na kilumbu, mpe mutindu nsungi ya lukolo; mpe ke kufwa na nkokila, samu na kuvumbuka dyaka na suka yina ke landa. Bayinti bikaka maza ya yinti kukulumuka na ntangu ya hiver, kukota na bansimbulu, mpe kuvutuka na printemps.

<sup>32</sup> Beno tala, Yandi fwanikisaka Yawu na mbuma ya blé, Kento ya makwela, ya kele samu na yina Nzambi zolaka bika yawu kukwenda mutindu yina. Dibuundu yango ya mbote, ya kieleka, ya kisina yina ba bandaka na Kilumbu ya Pentecote, yina kulaka mpe kulaka kubanda Kilumbu ya Pantekote, tii na dibuundu

ya nene, ya zolaka kubwa na ntoto na Nsungi ya Mudidi yina mpe ba zikaka yandi mutindu nkuna nionso ke salaka. Ya zolaka kufwa samu ti ya kwiza na Kusungika dyaka. Ya basikaka na muntu ya Kusungika, Martin Luther. Mpe katuka kuna ya kele mutindu mwinga ya blé ke basika. Kima ya ntete ke basika kele mwa matiti zole, na manima ya ke landila na kubwela matiti mingi. Kuna me kwiza Martin Luther, mpe na manima Zwingli, mpe me landila mutindu yina, Calvin, mpe mutindu bawu vwandaka kwenda na ntwala.

<sup>33</sup> Na nsuka ya ke kota na fololo ya disangu. Ntangu yayi, ya vwandaka John Wesley na nsungi ya Wesley. Ya vwandaka na putulu yina vutukaka manima.

<sup>34</sup> Katuka kuna me kwiza nsungi ya Pantekote, pene-pene mingi, kaka mutindu mbuma ya kieleka ya blé kana beno tala mwinga. Kasi kana beno baka blé yina mpe beno katula yawu, ya kele ve na mbuma mosi na kati ya yawu ata fyoti ve, ya kele kaka mpusu na *mutindu* ya mbuma. Kasi ya kele ya kuvwanda kuna samu na lukanu mosi, samu na kubumba mbuma tii. . . Kana mwini bula yawu mutindu *yayi*, ya ke kufwa yawu.

<sup>35</sup> Ya fwana bikana na kati kuna tii ntangu mosi, kuna Luzingu nyonso ke bika mpusu (mutindu Yawu bikaka mwinga, me bika putulu), ke bika mpusu mpe ke kwenda na kati ya blé, mpe ke sala diaka mutindu ya vwandaka ntangu ya vwandaka na kati ya ntoto.

<sup>36</sup> Ntangu yayi, beto nyonso zaba ti ntangu nsangu ke pesama, na bamvula tatu bawu ke sala organisation. Ntangu ba ke sala yawu, ya ke kufwa kaka yawu kuna; ya salaka na bilumbu ya Luther, samu, ya salaka yawu na bilumbu ya Wesley, ya salaka yawu na bilumbu ya Alexander Campbell, mpe bayankaka nionso, mpe yawu salaka yawu na bilumbu ya Pentecote. Ya kieleka! Beno me mona? Beno ke kuma na kisika mosi, mosi na mosi ke kuma ya kifuluka na amidon, mpe ke kwenda ntama, mpe bawu lenda ve kuzwa luzayikisu ya malu-malu. Bawu me suka; mpe bawu yina kuna, mpe bawu ke kufwa. Mpe Luzingu ke kwenda kaka na kati ya yawu, mpe ke landila kaka na kusala blé. Mpe ntangu blé ke kwiza, Luzingu yina me zyeta na kati ya blé yina, mvumbukulu, ke basisa bima nyonso; yinga, ke monikisa yawu samu na Enlevement.

<sup>37</sup> Ntangu yayi, beno bambuka moyo, Nsangu yayi bandaka ntete na kubeluka ya Kinzambi, na kusalaka bimangu. Ntangu yayi, kana Nzambi bika yawu luta na dibuundu ya fioti, kaka mutindu beto kuzwaka yimeni, na yina ya vwandaka ve Nzambi. Nzambi kele ve na nsatu ya kutalisa; Yandi kele ve—Yandi kele ve na nsatu ya kusala bima yayi, samu na kuyangidisa beto, mutindu beto ba-Américain ke salaka (bansaka), kasi Yandi ke salaka yawu samu na kubenda bukebi ya bantu, ti Yandi ke zola kusala kima mosi.



38 Beno tala Yandi Yandi mosi ntangu Yandi kwisaka. “Mwa profete ya mbote, rabbi, profete ya Galilée.” Na yina, ministele ya Yandi vwandaka mbote mingi, ba vwandaka yamba Yandi mbote na mabuundu nionso.

39 Kasi kilumbu mosi Yandi vwandaka, Yandi tubaka, “Munu na Tata ya Munu kele Mosi.”

40 “Oh, la la!” Yina vwandaka yimbi. “Beno katula muntu ya mutindu yayi!”

41 “Kana ti beno kudya ve nsuni ya Mwana ya muntu, mpe beno kunwa ve Menga ya Yandi, beno kele ve na Luzingu na kati ya beno.”

42 “Oh, yandi kele vampire! Beno kwenda ntama na muntu ya mutindu yina!” Beno me mona?

43 Beno me mona, ya vwandaka na kima mosi yina zolaka landa kidimbu yina. Beno me mona, kima mosi vwandaka landa.

44 Mpusu me bumba yawu, kasi ntangu yayi mpusu me katuka; ya fwana salama. Mpe beno bambuka moyo, bamvula makumi zole me luta mpe ata dénomination dyaka ve me basika na yawu, mpe ya ke salama ve. Beto me kuma na nsuka ya ba-denomination, blé me salama. Kasi yinki diambu na blé ntangu yayi, beno lenda ve . . . ya fwana vwanda na Mvwandulu ya Mwana, samu na kuyela, na ntwala masini ya kuyonzika kulokota yawu.

45 Ntangu yayi, mambu yina beto ke mona ke salama, ya kele kieleka ya kulakisa na kati ya Biblia, na konso nsungi. Beto ke banza ti beto nionso me vwalangana, kasi beto kele ve mutindu yina, bima nionso ke tambula kaka kieleka na Ndinga ya Nzambi.

46 Ntangu yayi, Biblia kele buku ya kuswaswana na buku nyonso yankaka ya santu. Ya kele ve na buku mutindu Biblia, samu ti Biblia kele Nzambi na mutindu ya Ndinga. Beno me mona? Ya kele . . . Ndinga kele dibanza yina me tubama. Dibanza ya Nzambi tubaka Yawu, Bandinga ya Yandi na nzila ya bapofete; mpe bawu sonikaka Biblia, yina kele na kati ya mutindu ya Ndinga. Mpe Yesu bokilaka Yawu, “Nkuna.” Mpe nkuna nyonso ke buta landila mutindu ya yawu kana ya kele na mutindu ya kulunga, atimosifere ya kulunga. Ntangu yayi, Buku yayi ya . . . kele . . . Buku yayi ya profesu, Yawu—Yawu ke tubaka na ntwala mambu yina ke kwisa na ntwala. Ntangu yayi, Buku kele na luzayikisu nionso ya Yesu Klisto. Beno ke bwela na Yawu ve to ke katula na Yawu, mpe konso luzayikisu fwana kwiza na nzila ya Yawu. Beno me mona, ya fwana vwanda Ndinga.

47 Na yawu bantu ke tubaka, “Mu kuzwaka luzayikisu.” Yinga, beto zaba Joseph Smith mpe mingi kuzwaka baluzayikisu mpe nyonso, kasi yina vwandaka ya kuswaswana na Ndinga.

48 Ya fwana kwisa landila Ndinga kana ya me katuka na Nzambi, samu ya ke siamisa to talisa Mvwandulu ya Nzambi. Mpe Yandi zabaka na ntwala bima nyonso yayi, na kuvwandaka . . . Na nzila ya luzabu ya Yandi ya mantwala Yandi tumaka, tumaka na ntwala (ba me bokila yawu na kati ya Biblia, “yina ba soolaka na ntwala”) konso nsungi na kisika ya yawu, mpe konso muntu na kisika ya yandi, mpe konso munati-nsangu na kisika ya yandi. Yandi kele Nzambi, dyabulu ke na kubenda kima ve na zulu ya Yandi. Mpe Yandi kele Nzambi, mpe Yandi me tuma nyonso na kusalama, mpe me kubwa kaka kieleka na nzila na Ndinga ya Yandi.

49 Na yawu kana beto lenda mona, na nzila ya Ndinga ya Yandi, na wapi nsungi mpe na wapi ntangu beto ke na kuzinga, beno ke mona kaka yawu awa na kati ya Biblia, ya nsungi yayi, yina beto fwana . . . yina zolaka salama na ntangu yayi.

50 Ntangu yayi, babuku yankaka, beto ke mona babuku mingi yina ba ke bokilaka “babuku ya santu,” mpe nionso yina. Mpe mu me tangaka Koran mpe mingi yankaka. Kasi, beno me mona, babuku ya bawu—ya bawu ya santu kele kaka malongi na ndiatulu, ya bankadulu, to ya théologie.

51 Kasi Buku yayi kele Profete, Ya kele ya kuswaswana na buku nyonso yankaka. Biblia kele Ndinga ya Nzambi yina ke na kuzabisa na ntwala mambu ke kwiza. Ya ke zabisaka na ntwala samu ba kebisaka Yawu na ntwala.

52 Kana Nzambi me fidisa kima mosi, Yandi tubaka mpe silaka na Biblia ti Yandi ke sala kima mosi ve na zulu ya ntoto tii ntete Yandi monikisa yawu na bisadi ya Yandi baprofete. Ya kele Amos 3:7. Yandi . . . mpe Nzambi lenda vuna ve. Yandi ke monikisa Yawu, yina vwandaka mutindu ya Yandi ya kusala na kati ya bansungi. Yandi ata mbala mosi ve kondwaka na kusala yawu.

53 Ntangu yayi, ba silaka beto, na bilumbu ya nsuka, samu ti yayi ke vutuka diaka. Ya ke vwanda ve—ve na dibuundu, na denomination ve, na Methodiste, Baptiste, Presbyterien, Pentecotiste, ata mbala mosi ve ti bawu (na mutindu ya bawu ya bilumbu yayi) ke nata dibuundu yayi na kuvwanda Kento ya makwela. Bawu lenda ve kusala yawu, bawu ke kubwa. Bawu kele na kuswana kati-kati ya mosi na yankaka, mpe mutindu ya yinza me kota na malembe, mpe nyonso yina, mpe—mpe bawu me kufwa kaka na kisika ya bawu kuna. Mpe na yawu Nzambi zaba yawu.

54 Mpe samu na kumonisa Ndinga yayi, mosi ke tuba, “Mbote, mu kele na *yayi*. Mpe nkembo na Nzambi, Ya kele mutindu *yina*.” Ya kele kaka mutindu ya vwandaka ntangu Yesu kwizaka mbala ya ntete; muntu nyonso kele na malongi, muntu nyonso kele na yayi. Ya fwana vwanda kima yina Nzambi fidisaka na beto. Mpe nsilulu ya Nzambi silaka yawu. Mpe mutindu mosi kaka Yandi ke sala, kele—kele kuzitisa mutindu yina Yandi pesaka. Yandi silaka

na kufidisa beto, na bilumbu yayi ya nsuka, landila Malachie 4, profete na zulu ya ntoto, “Yina ke vutula bantima ya bantu, bantima ya bana na batata ya bantumwa dyaka.” Yandi silaka yawu na Ndinga ya Yandi. Luc 17 mpe bisika mingi yankaka yina Yandi silaka yawu, ti Yandi . . . yina Yandi ke sala na bilumbu yayi ya nsuka samu na kunata kima yayi na Ndinga yina me siamisama.

<sup>55</sup> Beno me mona, muntu lenda tuba kima mosi, kasi bika ti Nzambi kutendula Ndinga yina . . . Beno me mona, ntangu yayi, beto keke na ntendulu ya beto mosi, beto ke tubaka ti Yawu zola tuba mutindu *yayi*. Mpe yayi, Methodiste, ke tuba mutindu *yayi*, Baptiste ke tuba mutindu *yayi*, Pentecotiste ke tuba mutindu *yayi*, ba-Unitaire ke tuba mutindu *yayi*, ba-Binitaire ke tuba mutindu *yayi*. Mpe, oh, la la, yawu yina. Kasi Nzambi keke na nsatu ya mutendudi mosi ve, Yandi keke Mutendudi ya Yandi Mosi. Yandi ke tendula Ndinga ya Yandi Mosi na kusiamisaka Yawu na nsungi yina ba silaka Yawu, nsungi yina ba pesaka Yawu.

<sup>56</sup> Beto ke na kuzinga ve na nsungi ya Pentecote, beto ke na kuzinga na nsungi yankaka. Beno me mona, beto ke na kuzinga ve na nsungi ya ba-Methodiste, beto ke na kuzinga na nsungi yankaka. Beto ke na kuzinga awa na nsungi ya Kento ya makwela, mbokolo ya Dibuundu mpe kuvukisa Yawu kintwadi samu na Enlevement. Ya keke nsungi yina beto ke na kuzinga ntangu yayi. Na dibanza ya munu ya kieleka ya keke Kieleka.

<sup>57</sup> Mpe Buku yayi keke buku ya profesi. Bakwikidi ya yandi keke bayina ba lombaka na kuzitisa Yawu mpe samu na kutanga Yawu, mpe kukwikila Musoniki ya Yawu, samu na konso Ndinga yina me sonama na kati kuna yina fwana salama. Nyonso yina ba silaka fwana salama, samu ti Yawu keke Yesu Klisto na konso nsungi. Mutindu mosi mazono, ya vwandaka Yesu Klisto, yina vwandaka na kati ya Noé; ya vwandaka Yesu Klisto na kati ya Moise, ya vwandaka Yesu Klisto na kati ya David, ya vwandaka Yesu Klisto na kati ya Joseph; ya keke Yesu Klisto, mutindu mosi mazono, bubu yayi, mpe kukonda nsuka. Mpe ya keke Yesu Klisto na kati-kati ya bantu ya Yandi bubu yayi, na kusalaka bima yina Yandi silaka ti Yandi ke sala na nsungi yayi. Ya keke Yesu Klisto.

<sup>58</sup> Kasi dibuundu me kuma ya kufuluka mingi na amidon, ya me kwenda ntama mingi, mutindu mpangi-bakala tubaka awa. Mpe—mpe mabuundu ya beto ke na kukuma mutindu mosi, tii beto fwana kuzwa kima mosi samu na kuvutula beto na Ndinga. Wapi mutindu beto zaba ti ya ke sala yawu? Ya fwana kwiza landila dikani ya Nzambi Yandi mosi. Ya lenda kwiza ve na nzila ya muntu ya mumbungu, ya ke kwiza ve na nzila ya bandimi, ya lenda kwiza ve na nzila ya mabuundu. Nzambi me tula dikani ya Yandi.

<sup>59</sup> Mu zonzaka awa na Shreveport kilumbu yankaka yina, na

nsamununu yina mu salaka na yinsi ya muvimba, ti, *Kumeka Kusadila Nzambi Kisalu Kukondwa Yawu Kuwanda Luzolo Ya Nzambi*. David mekaka na kuvutula nzaza ya Nzambi na yinzo. Yandi vwandaka ntinu yina ba pakulaka. Na yina, yandi—yandi yufulaka bilandi ya yandi—ya yandi, kapitene ya yandi ya mafunda, mpe mafunda kumi, mpe nionso yina. Mpe bawu nyonso tubaka, “Ya kele Ndinga ya Mfumu.” Mpe bawu yufulaka nganga-Nzambi, “Ya vwandaka mbote mingi.” Mpe bawu nionso twadisamaka mingi na kimpeve, bawu bokaka, bawu salaka kisalu nionso ya misambidi yina vwandaka. Mpe ya vwandaka kieleka ya kuswaswana na luzolo ya Nzambi, samu ti ya vwandaka na profete na yinsi na nkumbu ya Nathan mpe ba yufulaka yandi ve samu na yawu. Beno me mona? Mpe beto me mona ti yina simbaka ve ata ti bawu vwandaka ya bantu ya kieleka, na kumekaka na kusala kisalu samu na Nzambi.

<sup>60</sup> Mpe beno lenda vwanda ya muntu ya kieleka ya kulutula; kasi, tii beto ke zaba yina beto ke na kusalaka, beno ke na kunwana na mupepe. Beno vutuka na Ndinga ya Nzambi mpe beno sungama na nzila, mpe na manima beno kwenda; na manima beno zaba. Mutindu soda, zaba ve yinki kusala tii kuna yandi ke kuzwa bantumunu ya kusala yawu. Beto fwana vwanda basoda ya Baklisto, mpe kubaka bantumunu ya Biblia samu na ngunga ntangu yayi; bantumunu ya mazono ve, bantumunu ya kilumbu yina me luta, kasi bantumunu ya bubu yayi (wapi mutindu beto ke kwenda). Beno tala ngunga yina beto ke na kuzinga.

<sup>61</sup> Mambu yayi ya bilumbu yayi ke na kulutaka na lweka ya beto na nswalu nionso, mpe kilumbu mosi beto ke tala ti beto me bikana na manima kukondwa kima, mpe ba ke baka beto, ba ke tula beto kidimbu na kidimbu ya kibulu kukondwa beto zaba yawu.

<sup>62</sup> Ntangu yayi, mpe na mvibudulu beto fwana vingila yayi, samu na bapofesi yina ba silaka, mosi na mosi ya bawu fwana fuluka na yawu na nsungi ya yandi. Samu ti Yawu ke samuna beto na ntwala, Musoniki me sala yayi na ntwala, mpe beto ke vingila na kumona Yandi kusala dyaka yawu. Wapi ntangu ya kele yina beto ke na kuzinga! Kima mutindu manaka; beno ke tala manaka samu na kuzaba yinki kilumbu ya mvula beno ke na kuzinga, mpe beno tala Biblia ya Nzambi samu na kumona na wapi nsungi beto ke na kuzinga. Beto ke na kuzinga ve na nsungi ya ba-Methodiste, nsungi ya ba-Baptiste. Beto ke na kuzinga na nsungi ya Kento ya makwela, mbokolo, samu na kuvutuka na Nzambi na nzila yina Yandi silaka na kuvutula yawu. Yandi silaka na kusala yawu.

<sup>63</sup> Kasi mutindu ya vwandaka na konso nsungi, bantu bikaka muntu kutula ntendulu ya bawu mosi na Yawu na nzila ya théologie, mpe ke kwikila ve kimbangi ya Nzambi ya Yawu. Yina kele ntendulu ya Nzambi. Ya kele ve yina mu ke tuba, yina muntu

yankaka ke tuba, kasi yina Nzambi silaka; mpe yina Nzambi ke sala, ke talisa ti ya kele Nzambi ke sala lutendulu ya Yandi Mosi ya Ndinga ya Yandi.

<sup>64</sup> Ba tubaka na beno ba-Pentecotiste, bamvula makumi yiya na tanu, makumi tanu me luta, bamama ya beno mpe batata ya beno, ntangu ba vwandaka ba-Pentecotiste ya kieleka, bawu basikaka na organisation mpe singaka kima yango mpe basikaka na yawu: Na yina mutindu yimbwa ke vutukaka na biluki ya yandi, beno me vutuka mbala mosi dyaka na kati ya yawu, beno salaka kima mutindu mosi yina kufwaka dibuundu yina, beno me sala kima mutindu mosi samu na kufwa ya beno mosi. Mu ke telemina ve bantu na kati kuna, mu ke telemina yawu ve, ya kele basysiteme ya kima yina ke na kusalaka yawu.

<sup>65</sup> Na yinzo, mu kele...mu ke vutuka na yinzo...Mu ke longaka yayi ve na lukutakanu ya bantu yankaka. Mu ke longi *Nzila Ya Nioka*, mpe beno ke kuwa yawu kana beno baka ba-bande.

<sup>66</sup> Mpe, beno tala, bawu kondwaka na kumona nsiamisa ya baprofesi ya Ndinga ya Nzambi kulungisama. Kana banganga-Nzambi yina...Bawu yidikaka kaka kieleka mutindu Mesiya zolaka kwiza, bawu zabaka yina zolaka salama. Phari...Ba-Pharisien vwandaka na dibanza ya bawu, ba-Sadducéen, ba-Hérodien, mpe bawu nionso, bawu vwandaka na mabanza ya bawu. Kasi Yandi kwisaka ve...Yandi kwisaka na mutindu ya kuswaswana na mosi na mosi ya bawu, kasi ya kieleka na Ndinga. Yesu tubaka ti kima mosi vwandaka awa: “Kana beno zabaka Munu, beno zolaka zaba kilumbu ya Munu. Kana beno zabaka, beno zolaka...Beno ke tuba, ‘Mbote, Moise! Beto kele na Moise.’” Yandi tubaka, “Kasi, kana beno ke kwikila Moise, beno zolaka kwikila Munu; samu, yandi sonikaka na zulu ya Munu.”

<sup>67</sup> Kasi, beno me mona, ntangu Nzambi vwandaka siamisa kieleka yina Yandi silaka, bawu vwandaka na yawu na mutindu mosi ya kulunga yina Yesu zolaka kwiza, mpe...Mu zola kutuba Mesiya. Mesiya zolaka kwiza mbala mosi na kimvuka ya bawu to Yandi vwandaka ve Mesiya. Mbote, ya kele mutindu yina, na kutala, bubu yayi, “Kana beno mona ve na nzila ya maneti ya munu, beno ke na kotalaka ata fyoti ve.” Beno me mona, mpe na yina ya kele—ya kele kaka mutindu ya—ya kele. Beto...Ya kele kieleka. Beto ke yinaka kubanza yawu, kasi ya kele kieleka Kieleka.

<sup>68</sup> Na Hébreux 1:1, Nzambi na bambala mingi sonikaka Biblia na nzila ya Yandi Mosi solaka. Yandi ata mbala mosi ve sonikaka Yawu na nzila ya ba-théologien, to dyaka Yandi ke tendula na nzila ya ba-théologien. Ya me vwandaka ata fioti ve na ntangu yina—ti ba-théologien me vwandaka ntete ve na ntendulu ya Ndinga ya Nzambi. Ntendulu ke kwisaka kaka na profete. Mpe

mutindu mosi kaka beto ke basika na kati ya mvindu yayi kele samu Nzambi kufidisa beto profete yina, kaka kieleka, mutindu kaka ya ke salama. Ba kwikilaka yawu, ba vingilaka yawu, mpe—mpe ya ke lungisama.

<sup>69</sup> Beno me mona, ba sonikaka Yawu ve na nzila ya muntu, kasi ba sonikaka Yawu na nzila ya Nzambi. Ya kele ve buku ya muntu, Ya kele ve buku ya théologien. Ya kele Buku ya Nzambi, yina kele Buku ya profesi yina ba me sonika na nzila ya baprofete mpe yina ba me tendula na nzila ya baprofete. Biblia ke tuba, “Ndinga ya Mfumu ke kwizaka na baprofete.” Kieleka!

<sup>70</sup> Mutindu kitoko yina vwandaka pesa kifwanukusu, to, kutalisa ntangu Yesu kwizaka na zulu ya ntoto, mpe Jean vwandaka profete ya kilumbu yina, mpe yandi—yandi vwandaka pesa profesi. Bawu tubaka, “Oh, nge zola kutuba ti Nzambi ke panza bimvuka ya beto ya nene awa mpe bima nyonso yayi? Mpe ya ke vwanda na ntangu mosi, ntangu ba ke sambila dyaka ve na batempelo—batempelo ya beto?”

<sup>71</sup> Yandi tubaka ti ya vwandaka na ntangu mosi ke kwisa na ntangu Nzambi ke sala munkayulu na Mwana-dimeme ya Nzambi, Muntu mosi. Mpe yandi tubaka ti—ti yandi ke zaba Yandi ntangu Yandi ke kwiza. Mpe yandi tubaka . . . Yandi vwandaka kieleka ya kundima nsangu ya yandi, yandi tubaka, “Yandi kele ya kutelama kaka na kati-kati ya beno ntangu yayi mpe beno zaba yawu ve.” Yandi kele kaka na kati-kati ya beno mpe beno zaba yawu ve.

<sup>72</sup> Mpe kilumbu mosi ntangu Yesu basikaka, Jean talaka na zulu mpe monaka kidimbu yina na zulu ya Yandi, yandi tubaka, “Beno tala Mwana-dimeme ya Nzambi yina ke katulaka disumu ya yinza.” Minuti kaka yina Yesu zabaka kuna ti ba siamisaka Yandi na ntwala ya bantu. Ntangu yayi, Yandi vwandaka Ndinga, beto ke tula ntembe na yawu? Biblia ke tuba ti Yandi vwandaka Ndinga, “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi. Mpe Ndinga kumaka nsuni mpe zingaka na kati-kati ya beto.” Mpe Yandi yayi, . . . Beno tala Ndinga na zulu ya ntoto (beno tala! na mutindu ya kulunga!) me basika mbala mosi na maza na profete.

<sup>73</sup> Ya kele kieleka, Ndinga ntangu nyonso ke kwizaka na profete ya Yandi. Na yawu beto lenda ve kuingila Yawu kukwiza na ba-théologien. Beto lenda ve kuingila Yawu kukwiza na ba-denomination. Ya fwana kwisa nzila ya Nzambi yina Yandi zabisaka beto na ntwala, mpe ya kele kaka mutindu Yawu ke kwisa. Ba ke yina yandi, ba ke vweza yandi, ba ke manga yandi. Ntangu Yawu ke kwiza, ba ke losa Yawu na lweka mosi, mpe nyonso, kasi Nzambi ke sala yawu na mutindu nyonso. Ba losaka Yawu na Yesu Klisto, ba losaka Yawu na Jean, ba losaka Yawu na Jérémie, ba losaka Yawu na Moise. Ya kele ntangu nyonso

mutindu yina. Kasi Nzambi ke kwenda na ntwala na mutindu yina Yandi silaka ti Yandi ke sala yawu. Yinga, tata, Yandi ke kondwaka ve na kusala yawu mutindu mosi.

<sup>74</sup> Muntu yina monaka vision to kuwaka ndinga ya Yandi, yandi bakulaka Yawu ata fioti ve. Na mambu mingi yandi zabaka ve, samu yandi kele kaka kiasadilu ya Nzambi. Ya kele mabanza ya Nzambi yina me tubama na nzila ya bikoba ya muntu; dibanza, kieleka, ya kele ndinga yina me tubama. Nzambi ke salaka nsodolo ya Yandi Mosi na nzila ya kusola ya Yandi—ya Yandi ya kusola ntete. Yandi salaka yawu na konso nsungi, Yandi butaka muntu samu na konso nsungi. Mutindu ntangu Moise, ntangu yandi zolaka lungisa yina Yandi tubaka na Abraham. Moise butukaka mwana na mutindu ya yandi mosi, yandi lendaka ve kusadisa yandi na nzila yina. Yandi butukaka mutindu yina samu yandi butukaka samu na lukanu yina.

<sup>75</sup> Mpe na yawu beto ke tala ti Nzambi ke salaka yawu na konso nsungi. Nzambi ke salaka nsodolo ya Yandi Mosi na nzila ya nsodolo ya Yandi Mosi yina ya soolaka na ntwala, ke sola bapofete ya Yandi mpe nyonso samu na nsungi; kubongisa—kubongisa nkadulu ya yandi, nkadulu ya bakala yayi, nkadulu ya bakala yina ke longaka na...na zulu ya dikabu ya bawu mpe nyonso yina yandi ke salaka, kele kukutana na dyambu ya kilumbu yina. Nzambi ke vangaka muntu yina mpe fidisaka yandi. Mpe na dibanza ya Yandi Mosi, mutindu mu longaka mazono na nkokila, beto kele nkuna ya gene ya Nzambi. Yandi zabaka ti muntu ke vwanda kuna na nsungi yina, ntete ya vwanda na molécule, to nsemo, to kima yankaka na ntoto.

<sup>76</sup> Samu nge kele gene ya tata ya nge, mpe nge vwandaka na tata ya nge, kasi tata ya beno vwandaka ve na mbundana na beno samu ti yandi... Beno vwandaka na kati kuna, kasi beno zabaka yawu ve mpe yandi zabaka yawu ve, kasi beno kumonisamaka ti beno lendaka... ti yandi lendaka kubundana na beno. Mpe beno me butuka mbala zole, beno me butuka na Luzingu ya Kukonda nsuka. Mpe ya kele kaka mutindu mosi ya Luzingu ya Kukonda nsuka, mpe ya kele Luzingu ya Nzambi. *Zoe*, mpova ya Grec kele *Zoe*, kaka mutindu mosi ya Luzingu ya Kukonda nsuka.

<sup>77</sup> Na yina kana beno kele mwana ya bakala ya Nzambi to mwana ya kento ya Nzambi, beno vwandaka na kati ya Nzambi ntangu nyonso. Kasi Yandi zabaka yinki mbeto mpe ntangu yina ba ke kuna beno. Na yawu ntangu yayi beno kele ya kusala kivangu, mwana ya bakala ya Nzambi, yina me monisama mwana ya bakala to mwana ya kento ya Nzambi samu na kupesa ntembe na ngunga yayi samu na kusiamisa Nzambi ya kieleka mpe ya moyo ya ngunga yayi, Nsangu yina ke na kwiza na ntangu yayi. Ya kele kieleka! Ba salaka beno kuna ntete mbandukulu ya yinza. Kana ya vwandaka ve... Kana ba soolaka beno ve mutindu yina, ata ti beno ke meka na kumekula Yawu, beno ke

sala yawu ata fioti ve. Wapi mutindu beno lenda kuzwa menga na kati ya sidi na yina ya kele ve na menga na kati kuna?

<sup>78</sup> Ya kele samu na yina mu ke mekaka na kutuba samu na bantu yina vwandaka banza ti beto vwandaka... beto ke na kuboka na bakento samu na bansuki ya nkufi, mpe bantu vwandaka tuba na munu mambu yina, “Nge ke bebisa ministere ya nge.” Kubebisa ministele yina Nzambi Yandi mosi tumaka? Ntama na yawu! Mpe ntangu bantu ke kuwa Ndinga ya Nzambi... Ntangu bébé me salama na kivumu ya mama, ntangu cellule mosi yango ke kota kuna, cellule yankaka ke tunga na zulu ya yawu. Ya kele ve cellule mosi ya muntu, yina ke landa na yimbwa, mpe yina ke landa ya niawu, mpe yina ke landa na kima yankaka; ya kele kieleka, ya kusungama, muntu. Mpe ntangu muntu me butuka na Mpeve ya Nzambi, yandi ke kotisa kima mosi ve na luzingu ya yandi, Ya kele Ndinga ya Nzambi ya kukondwa mvindu yina me siamisama samu na ngunga yina. Yandi ke bakaka Ndinga ya muvimba ya Nzambi, yandi ke tulaka ve ba-credo, kima yankaka ve na kati ya Yawu. Ya kele kukondwa mvindu, Ndinga ya Nzambi me monisama na kati-kati ya beto.

<sup>79</sup> Beno tala na kati ya Biblia, beno ke mona kisika, na wapi nsungi beto ke na kuzinga kuna, ntangu beno ke mona bima ya nene yayi kumonisama. Ntangu Nzambi silaka na kusala yawu, Yandi ke salaka yawu ntangu nyonso. Na nsuka ya konso nsungi ntangu dibuundu ke kuma na kisika yina ke baluka, mpe ya me bika Ndinga na lweka samu na kubaluka na disumu mpe mambu ya yinza... Mambu ya yinza kele disumu. Biblia ke tuba, “Kana beno zola yinza to bima ya yinza, zola ya Nzambi kele ve na kati ya beno.”

<sup>80</sup> Na kuzonzaka mazono na nkokila, mu vwandaka zonzila na munkayulu yina ba pesaka, Mwana-dimeme. Ya zolaka vwanda bilumbu sambwadi, na kumonikisaka bansungi sambwadi ya dibuundu. Ya zolaka vwanda ve na levire na kati-kati ya bantu, levire ve na bilumbu samanu. Ya zola kutuba ti ya kele ve na kima ya kubongisa na Yawu, Ya kele kukondwa levire, ntangu nyonso. Mpe beto zola ve ba-credo, kuningana mpe bima yina ke vukana na beto. Beto zola ve ti yinza kuvukana na beto. Ya fwana vwanda Dimpa ya kukondwa levire ya Nzambi, Ndinga ya Nzambi, Ndinga ya Nzambi ya kuvedila, na yina, “Muntu ke zinga na konso Ndinga yina me basika na yinwa ya Nzambi.”

<sup>81</sup> Ba-sysiteme ya beto ya ba-denomination, mpe baluswaswanu mpe bima nyonso, me tula levire na kati ya beto, mpe *yayi* mpe *yina* mpe yinza mpe mvwatulu. Mpe, oh, ya kele mutindu yina ya kele kaka Hollywood bisika nyonso. Na nsuka ya ke kwiza tii ya ke vwanda mutindu Angleterre kuna, mbokolo na autel ke vwanda na nsoni. Oh! Mutindu mpangi ya bakala tubaka, “Wapi mutindu nge lenda kuzwa mbisi na kati ya bwatu?” Ya kele kieleka.



<sup>82</sup> Beto fwana kuzwa Nsangu ya mbote kulongama na muvimba ya Yawu, na ngolo ya Nzambi samu na kusiamisa yawu landila nsilulu ya nsungi yina mpe kusiamisa ti ya kele kieleka luzolo ya Nzambi. Na ngaanda ya Yawu beno kele kaka mambele ya dibuundu, ata bambala beno ke mekaka, beno ke mekaka na kusala kisalu ya Nzambi. Beno lendaka kwenda na lukutakanu ya kutunga bilele, beno lendaka vwanda mambele ya kwikama na dibuundu; kasi kaka kana ti nkuna yina ya Luzingu ya Kukonda nsuka ba soolaka na ntwala na kati ya beno, samu na kuvwanda mwana-bakala to mwana-kento ya Nzambi, beno ke yela samu na kukuma kima mosi ya kutengama; kasi beno ke vwanda ata fioti ve mwana-bakala ya kieleka, ya kieleka to mwana-kento ya Nzambi.

<sup>83</sup> Bambala mingi ke pesaka mwa disolo ya munu ya ngononi ya fyoti. Wapi mutindu kisadi-bilanga vwanisaka nsusu kilumbu mosi, mpe yandi kuzwaka . . . Mu banza ti ya ke wakana kuvwenza ve samu na beno. Kasi kisadi-bilanga me vukisa maki yina ya nsusu ya kento losaka, mpe yandi vwandaka . . . me kondwa diki mosi na yisi ya mapapu ya nsusu. Mu ke tula ntembe ti muntu nyonso awa zaba yinki kele kuvukisa maki na yisi ya mapapu ya nsusu, bambala yikwa yawu ke kuzwa tiya. Kasi, na nionso, yandi kondwaka diki mosi, ya vwandaka ve ya kulunga. Na yina yandi yibaka diyamba ya ngononi, yandi vwandaka na maki zole. Mpe yandi tulaka diki na yisi ya mapapu ya nsusu.

<sup>84</sup> Ntangu ngononi yina pasukaka na kati-kati ya bansusu yina nionso, yandi vwandaka ndeke mosi ya ngitukulu. Yandi lendaka ve kubakula kukekila ya nsusu ya kento, yandi vwandaka tuba ve mutindu ya yandi . . . mutindu yandi zolaka kuwa yawu kuzonza. Mpe yandi kalata na kati ya lupangu ya bansusu, mpe kudyaka na lupangu ya bansusu, ya vwandaka ve madya samu na yandi. Yandi vwandaka mwa kivadangu ya yimbi na kati-kati ya bawu. Nsusu ya kento vwandaka kekila mpe yandi vwandaka bakula yawu ve. Yandi vwandaka kwenda na lweka yayi mpe vwandaka kudya *yayi* mpe kudya *yina*, yandi vwandaka bakula yawu ve. Na yawu kilumbu mosi mama ya yandi, to mama ya yandi, mu zola tuba, na beno. Mu . . . Na Sude beto ke tuba “Mama.”

<sup>85</sup> Na yawu, na mutindu nyonso, yandi . . . mama ya yandi—ya yandi—ya yandi zabaka ti yandi vwandaka na meki zole, mpe kaka mosi ya yawu vwandaka kuna, yandi landaka yankaka yina. Yandi ziungaka yawu na yinsi, mpe na nsuka yandi lemukaka na zulu ya lupangu ya bansusu. Yandi monaka yandi kuna ke landa nsusu ya kento yina ya kiboba. Yandi bokaka, “Junior! Nge kele nsusu ve, nge kele ngononi!” Yina wakanaka kaka na yandi. Samu na yinki? Yandi vwandaka ngononi na kubanda.

<sup>86</sup> Mpe ntangu bakala to kento me vwanda na yisi ya ba-credo mpe nsambulu ya madidi, ya misiku, kana ba me tuma

yandi na kuvwanda mwana ya Nzambi, mpe yandi ke mona Ndinga ya Nzambi kulongama na ngolo ya Yawu, mpe Nzambi ke siamisama Yawu, yandi kele ngononi na kubanda, yandi ke kima na Yawu kieleka mutindu zole kele yiya. Yandi lenda ve kusadisa yawu, samu ti nkadulu ya yandi ya kieleka ke zolaka Ndinga ya Nzambi. Mu ke kipe ve yina muntu yankaka ke tuba, ntangu yandi ke mona Ndinga ya Nzambi kumonisama pwelele, yandi pumbukaka na Yawu samu yandi vwandaka ngononi ya fioti.

<sup>87</sup> Na yina bawu vwandaka landila na kutuba, yandi tubaka, “Mama, wapi mutindu mu ke basika awa?”

<sup>88</sup> Mpe Yandi tubaka, “Dumuka kaka, Mu ke simba nge.”

<sup>89</sup> Ya kele kaka kima yina beno fwana sala, ya kele kusala mosi kudumuka na makulu ya beno, mosi kulemuka na Nzambi, nsilulu mosi, “Mfumum Yesu, mu ke kwikila Nge na ntima ya munu ya muvimba. Mu ke kwikila Nsangu ya ngunga. Mu ke mona Yawu me siamisama, mpe mu zaba ti Yawu kele kieleka.” Beno dumuka na makulu ya beno, Mama ke simba beno. Beno vwanda na boma ve, beno kele ngononi, yandi ke vwanda kaka kuna samu na kunata beno.

<sup>90</sup> Ntangu yayi, beto ke bakula ti beto ke na kuzinga na ntangu ya mutindu yankaka mpe ntangu ya nene, kasi ntangu kieleka ya Biblia yayi, bakwikidi me mona yawu me siamisama, nsiamisa ya kieleka ya Yawu kele nzikisa ti Nzambi kele na kati ya Yawu. Kieleka! Ya kele kuna ti Ndinga ya nsilulu, ti Nzambi silaka, me zabana. Nkuna me suka, mpe bawu ke mona Yawu mpe bawu ke kwikila Yawu. Bayankaka lenda kaka ve kumona Yawu, na mutindu nyonso bawu ke vwanda mpe ke tala Yawu.

<sup>91</sup> Beno zaba, mu longaka mingi na—na. . . bisika nyonso na yinsi yayi, ti ya zolaka vwanda ve kento ya bansuki ya nkufi na yinsi. Kasi, ntangu nyonso, ntangu mu ke vutuka, ya kele na mingi. Yinki kele diambu? Kima mosi ke tambula mbote ve! Beno zaba ti Ndinga me tuba mutindu yina! Beno ke tuba, “Mbote, yina ke sala ata luswaswanu ve.” Ya ke sala luswaswanu!

<sup>92</sup> Ya kele na mpangi mosi ya bakala ya mbote, yina tubaka, “Mu ke tentika maboko na zulu ya nge, Mpangi Branham. Mu zola nge. Nge ke na kubebisa ministele ya nge.” Yandi tubaka, “Nge kele ve na dyambu ya kutuba na bakento yina na zulu ya yawu.” Yandi tubaka, “Bika ba-pasteur kusala yawu.”

<sup>93</sup> Mu tubaka, “Bawu ke salaka yawu ve.” Mu tubaka, “Ntangu yayi. . .”

<sup>94</sup> Yandi tubaka, “Mbote, ya kele ve dyambu ya nge, nge ke sambila kaka samu na bambevo.”

<sup>95</sup> Mu tubaka, “Ya kele kimalu ya nani, na yina? Ba bokilaka munu na kulonga Nsangu ya mbote.”

<sup>96</sup> Yandi tubaka, “Mu ke tentika maboko na zulu ya nge mpe ke lombamba Nzambi na kukatula yawu na nge.”

97 Mu tubaka, “Kana nge bika—bika mu tentika maboko na zulu ya nge, mpe.” Beno me mona? Mpe mu tubaka, “Mu ke sambila ti Nzambi kuzibula meso ya nge mpe nge ke mona Yawu.” Na yawu, ya kele kieleka!

98 Yandi tubaka, “Nge fwana longa . . . Bantu ke kwikila ti nge kele kisadi, profete ya Nzambi.” Yandi tubaka, “Nge fwana longa bakento yayi wapi mutindu ku—kuzwa makabu ya nene mpe kupesa profesi mpe bima.”

99 Mu tubaka, “Wapi mutindu mu lenda longa bawu algèbre kana bawu kwikila ve ABC ya bawu, ntete?” Beno me mona? Ya kele kieleka. Na yawu beno—beno lenda ve kusala yawu. Ya kele kaka na konso . . . Ya kele kieleka. Kana beno lenda ve kusala bima ya mutindu nyonso, wapi mutindu beno ke sala bima ya kimpeve? Bima ya yinza. Kieleka! Mpangi ya bakala, mpangi ya kento, ya lendaka wakana mutindu kusakana, kasi Ya kele Nsangu ya mbote! Ya kele—Ya kele Kieleka ya Nsangu ya mbote. Ya kele kieleka!

100 Beno tala, beto ke mona bubu yayi ti bantu . . . Ya kele na bantu mingi yina lenda kwikila Yawu ve, ata mpe bantu ya kifuluka na Mpeve. Mu ke pesa beno mosi yina ke vwanda mpasi samu na beno. Mbotika ya Mpeve-Santu zola kutuba ve ti beno ke kota, ve ata fyoti ve, na zulu ya yawu, kele ve na kima ya kusala na moyo ya beno. Ya kele mbotika, beno me mona. Beno tala moyo ya kati, na kati *awa*, yina fwana katuka na Nzambi. Kasi na yina na ngaanda beno kele na ba-sense tanu, mpe tanu na ngaanda . . . na bankotolo ya beno . . . beno kutana na yinzo ya beno ya ntoto. Kati, beno kele na mpeve, mpe na kati kuna beno kele na bankotolo tanu: konsiansi ya beno, mpe zola, mpe nyonso yina, bankotolo tanu na mpeve yina. Beno bambuka moyo, na mpeve yina beno lenda kuzwa mbotika na Mpeve ya kieleka ya Nzambi mpe kuvwanda dyaka ya kuzimbana. Ya kele moyo yina ke zinga, yina ba tumaka na Nzambi.

101 Yesu tubaka ve, “Bantu mingi ke kwisa na Munu na kilumbu yina, mpe ke tuba, ‘Mfumu, mu basisaka bampeve ya yimbi ve, salaka bisalu ya nene, ya ngolo, pesaka profesi, makabu ya nene ya Nzambi?’” Yandi tubaka, “‘Kwenda ntama na Munu, nge yina ke salaka disumu ya nkú, Mu zabaka nge ata fioti ve.’ Mingi ke kwisa na kilumbu yina.”

102 Caïphe pesaka profesi ve? Yandi vwandaka diabulu. Beto talaka kuna . . . Mpe banganga-Nzambi yayi, bantu ya nene yina, zolaka vwanda bantwadisi ya nene na bilumbu yina, na kukikulumusa mpe nyonso yankaka, kasi kondwaka na kumona Ndinga ya Nzambi Yawu mosi me monisama na ntwala ya bawu.

103 Beto lendaka baka kaka nkonga ya bawu yina mu sonikaka awa. Wapi mutindu samu na Balaam? Yandi vwandaka . . . Beno ke tuba, “Nzambi ke sobaka dibanza ya Yandi.” Yandi ke sobaka ve dibanza ya Yandi!

104 Ntangu Balaam basikaka mutindu profete, mpe kwendaka kuna, évêque, mulongi, nyonso yina nge zola kubokila yandi, yandi vwandaka muntu ya nene. Kasi ntangu yandi lombaka Nzambi na kukwenda kuna mpe kutelemina Israel, yandi zolaka ve ti bawu banda, na yawu ntangu yandi lombaka na kukwenda, Nzambi tubaka, “Kukwenda ve!”

105 Na manima ba fidisaka bantu ya lukumu, nkonga, ya ba-évêque to banganga-Nzambi, to kima mosi, kuna, yandi tubaka, na ndongosolo ya kulutila, samu na kundimisa yandi. Yandi vutukaka mpe yufulaka dyaka Nzambi. Beno fwana yufula Nzambi ve mbala ya zole! Ntangu Nzambi me tuba yawu ntete, ya kele Yawu! Beno fwana vingila kima mosi ve.

106 Rebecca vwandaka vingila ve na kubaka lukanu ya zole. Ba vwandaka yufula yandi, ba vwandaka tuba, “Nge ke kwenda?”

107 “Bika yandi tuba.”

108 Yandi tubaka, “Mu ke kwenda!” Yandi vwandaka kieleka ya kutwadisa na kimpeve ya Nzambi. Yandi kumaka mosi ya bantinu ya kento ya Biblia samu na kusala na zulu ya kubenda ya Mpeve ya Nzambi. yina vwandaka tambula na zulu ya yandi na kuzwa yina vwandaka kieleka, mpe yandi kwikilaka yawu.

109 Ntangu yayi beto talaka, Balaam, ya kieleka, yandi lendaka ve kumona. Yandi kwendaka kuna mpe talaka bantu, yandi tubaka, “Ntangu yayi, kaka minuti! Beto kele bantu ya nene, ya nene na zulu awa, beno kele kaka nkonga ya bantu ya kumwangana.” Beno me mona? “Mpe beto nyonso—beto nyonso ke kwikilaka Nzambi mosi.”

110 Ya kele kieleka. Bawu nyonso ke kwikilaka Nzambi mosi. Bawu nyonso ke sambilaka Yehowa. Beno tala munkayulu ya Balaam: ba-autel sambwadi, lutangu ya kulunga ya Nzambi; mabuundu sambwadi, beno me mona; mameme sambwadi ya babakala, yina vwandaka zonzila nkwezulu ya Mfumu. Landila musiku, yandi vwandaka kaka ya kukangama na misiku mutindu Moise vwandaka; kasi, beno me mona, ya vwandaka ve na nsiamisa ya Kinzambi. Na kati kuna, bawu zole vwandaka bapofete.

111 Kasi na yisi ya ministele ya Moise, ya vwandaka na Dikunzi ya Tiya ya mazulu, Nsemo yina vwandaka ya kukangama na camp. Ya vwandaka na kubeluka ya Kinzambi, ya vwandaka na kuboka ya Ntinu na kati ya camp, bidimbu ya nene, kubeluka ya Kinzambi, mpe mambu ya ngitukulu mpe bima salamaka na kati ya bawu. Ya vwandaka kidimbu ya Nzambi ya moyo na kati-kati ya bantu ya Yandi.

112 Landila musiku, bawu zole vwandaka ya kusungama. Mpe Balaam mekaka na kundimisa bantu, mpe ti ba nyokolaka bawu na kati ya yawu. Na wapi ntangu? Kaka na ntwala bawu kuma na yinsi ya nsilulu. Kilumbu yankaka yina to zole, bawu vwandaka na yinsi ya nsilulu.

113 Kasi ntangu yayi mu kele na boma. . . Yayi kele kidimbu ya mpasi samu na kusala, mosi ya bilumbu yayi ba ke kufwa munu na munduki samu na Yawu. Kasi beno bambuka moyo na yayi, ti, mabuundu me fuluka na Conseil Oecuménique yayi, yandi ke na kukotisa beno na kati ya yawu, samu na kutuba, “Nge kele kimvuka mosi.” Nge kele ve kimvuka ya mutindu mosi! Beno basika na kati-kati ya bima yina mpe beno kabuka! Kieleka ya kele, Ya kele kieleka. Beto fwana vwanda ntama na bima yina, ntama mingi mutindu beto lendaka.

114 Balaam tubaka, “Beto kele. . . beto bika bana ya beto kukwelana kintwadi samu ti, na manima ya nyonso, beto ke kwikila Nzambi mosi.”

115 “Wapi mutindu bantu zole lenda kutambula kintwadi kana ti bawu wisana ve?” Wapi mutindu beno lenda tambula na Nzambi kana ti beno me wisana ve na Ndinga ya Yandi? Wapi mutindu beno lenda bwela ba-credo mpe nyonso yankaka yina na Yawu, ntangu ba me tuma beno ve na kusala yawu, to, me tumisa ve na kusala yawu? Beno lenda ve kusala yawu. Ya kele ve na mutindu ya kusala yawu, mpangi ya bakala, mpangi ya kento. Beno lenda ve kuvukisa yawu na kukondwa levire. Mafuta mpe maza ke vukana ve. Mpimpa mpe nsemo ke vukana ve. Nsemo kele ngolo mingi, ya ke basisa kaka mpimpa.

116 Mpe na yawu beto lenda vukisa yawu ve kintwadi. To dyaka beno lenda vukisa disumu mpe yinza kintwadi. Beno lenda ve kuvukisa Dibuundu mpe denomination kintwadi. Beno lenda ve kuvukisa Dibuundu mpe credo kintwadi. Beno lenda ve kuvukisa yinza mpe Nsangu ya mbote kintwadi. Ya ke vukana ve! “Beno basika na kati-kati ya bawu, beno kabwana,” me tuba Nzambi, “Mu ke yamba nge na Munu mosi. Beno ke vwanda bana ya Munu ya babakala mpe bana ya bakento, Mu ke vwanda Nzambi samu na beno.” Beto lenda sala yawu ata fioti ve tii kuna bima yayi ke monisama, mpe Ndinga ya Nzambi samu ti ngunga me siamisama ti ya kele Kieleka. Beno landa na bitambi.

117 Pentecote, ya kele samu na yina Luther zimbisaka nsangu ya yandi. Ya kele mutindu Wesley zimbisaka nsangu ya yandi. Beno me mona, kana dibuundu ya Wesley zolaka landila, ba zolaka vwanda bantu ya Pentecote. Kana ba-Lutherien kulandilaka, ba zolaka vwanda ba-Méthodiste. Beno me mona? Ntangu yayi kana ba-Pentecotiste kulandila, ya ke vwanda Kento ya makwela. Kana beno vutuka na manima mpe beno landila na kuvutuka na yinza mutindu beno ke na kukwenda ntangu yayi, beno ke zimbana! Ya ke vwanda kaka mpusu, mpe mwinga fwana kuyokama na tiya. Beto zaba yawu. Yandi ke vukisa Blé ya Yandi na kati ya kibumbulu. Kasi mpusu Yandi ke yoka na tiya yina ke kufwaka ve, ata ti ya vwandaka munati. Ya kieleka ya nataka Yawu. Kasi Luzingu bikaka yawu ntangu kaka ya kumaka dikasa, ya me kwenda na ntwala samu na kusala kima yankaka tii ya ke kuma na ntela ya yandi ya muvimba.

118 Mpe mutindu mosi Dibuundu ke luta na nzila ya Kunungisama, Kusantisama, Mbotika ya Mpeve-Santu (kuvutuka ya makabu), kaka na kifwani ya Klisto. Klisto kele Bakala ya makwela, Dibuundu kele Kento ya makwela, mpe Kento ya makwela kele kitini ya Bakala ya makwela. Ya fwana vwanda Dibuundu Ya Ndinga, dibuundu ya denomination ve. Ya ke vwanda Dibuundu ya Ndinga, Ndinga yina me zabana, mpe, na Ndinga ya Nzambi yina me siamisama.

119 Balaam, yandi lendaka ve kumona luswaswanu. Bantu mingi lenda ve.

120 Pharaon lendaka ve kumona Yawu, ata ti Yawu me siamisama kaka na ntwala ya yandi.

121 Dathan lendaka ve kumona Yawu. Dathan kwisaka kuna, mpe yandi monaka Moise mpe zabaka. Yandi kwendaka kuna, tubaka, “Beno meka na kubanza ti beno kele kaka mosi na kati ya nkonga. Dibuundu ya muvimba kele santu!” Nzambi ata mbala mosi ve salaka mutindu yina. Yandi zolaka zaba ya kulutula mbote na yina. Mpe yandi tubaka, “Mbote, dibuundu ya muvimba kele ya santu. Beno ke meka na kusala beno mosi. . .” Kana beto tuba yawu bubu yayi, nzonzolo ya bala-bala, “Ditadi ya nsongi mosi kaka na kumu.”

122 Mpe Moise zabaka ti Nzambi fidisaka yandi kuna samu na yawu. Yandi tubaka kaka, “Mfumu. . .” kubwaka na nkotolo ya tabernacle.

123 Mpe Nzambi tubaka, “Kabwana na yandi.” Mpe Yandi minaka bawu.

124 Mpe beno bambuka moyo, disumu yina Israel salaka (na nzila ya Balaam vwandaka tuba, “Bawu nyonso kele mutindu mosi.”), disumu yina ba lemvokilaka yandi ata fioti ve Israel. Mpe beno tala, beno bika mu pesa beno lutangu mosi ya ke benda bukebi ya beno; na mafuku zole yina katukaka Egypte, zole ya bawu kotaka na yinsi ya nsilulu. Mosi na mosi ya bawu kudyaka kima mutindu mosi, bawu nyonso binaka na Kimpeve, bawu nyonso vwandaka na bima nyonso na kimvuka; kasi ntangu ya kumaka na ntangu ya kukabwana, Ndinga salaka nkabwani. Mutindu mosi ya kele bubu yayi! Ndinga salaka nkabwani! Ntangu ya kumaka ntangu, yandi tubaka, “Kasi, awa, beto kele. . .”

125 Na yina beno tala mbote, beno tala, Biblia ke tuba, “Na bilumbu ya nsuka bampeve nyonso zole,” Matthieu 24:24, “ke vwanda pene-pene mingi, ya ke vuna bantu ya kieleka ya Kusolama kana ya lendaka salama.” Mpusu yina ke talana kaka kieleka mutindu blé, kasi ya kele ve blé. Beno me mona? Ya kele ve blé, kasi ya ke talana kaka kieleka mutindu yina. Beno me mona? Na yawu beno belama, ya ke vuna bantu ya kieleka ya Kusolama. Beno me sala dénomination mpe me kubwa na dénomination yango, mpe me yuma mpe me kufwa, mpe blé ke

basika kaka na . . . Beno me mona? Ya kele kaka kieleka! Ya kele munati, kasi blé ve.

<sup>126</sup> Beno bambuka moyo, blé ke landila kaka na kukwenda na ntwala. Na mvumbukulu ngolo nyonso yina ya blé ke kwiza mbala mosi na blé, mutindu ya ke sala yintu, na kubasika na mvumbukulu ya nene.

Ba ke lemvokila yawu ata fioti ve!

<sup>127</sup> Beto telama awa mwa ntangu fyoti. Mu banza ti mu ke kanga beno ve. Kasi, beno tala, beno bika mu yufula beno kima mosi. Beto baka kaka yawu. Beto tuba, mutindu, kana yayi kele mfunu mingi. Ntangu nkuna ya bakala mpe ya kento kwizaka, kana beno zabaka ntete kuteza ba-tube ya kutesa to—to kuvukisa bankuna mpe nyonso yankaka ya bibulu, beno ke bakula ti reservoir ya muvimba ya germe ya bubakala ke basisa pene ya ba million ya ba-germe. Mpe kibumbulu ya muvimba ya germe kukatuka na kento ke basisa fuku ya meki. Kasi beno zaba ti ya kele kaka na mosi ya bawu yina kele ya lubutu? Mwa bana ya bangombe yayi, to nionso yina ya kele, na kati ya mafuku ya ba-germe, mafuku ya ba-germe, ya ke vwanda na mwa germe mosi yina ke zibudila yawu nzila mosi na kati-kati ya ba-germe nyonso yankaka yina samu na kuluta na zulu ya nyonso kuna mpe kumona diki yina ya lubutu mpe ke syelumuka na kati ya yawu, mpe bayankaka kufwaka. Mosi ya bawu kele ya kutumama na luzingu, bayankaka kele ve, ata ti bawu nyonso kele mutindu mosi. Mosi na kati ya fuku!

<sup>128</sup> Yinki ke salama kana ya ke vwanda mutindu yina na nkokila yayi? Ya kele na bankama tanu ya mafuku, yina fwana vwanda, mu banza, Miklisto na yinza, na kutala lutangu yina, kaka lutangu yina lenda vwanda pene-pene. Kana Enlevement ke salama na nkokila yayi, bayina kele moyo ke kwenda, ya ke vwanda kaka na bankama tanu ya bantu. Mbote, ya kele na mingi yina ke kondwa kilumbu mosi, na kutala, ti bawu lenda ve kumonana kuna. Ba ke katula Kento ya makwela mpe beto ke yufula beto mosi yinki ya kele nyonso na zulu ya yawu; mpe bantu vwandaka landila kaka na kulonga, na kutubaka ti bawu kele “kuzwa *yayi*, mpe *yina*, mpe *yankaka*,” mpe beno tala nsoni yina ya ke vwanda. Beno tuba kana ya ke vwanda mutindu yina; mu ke tuba yawu ve, mu zaba ve, mu kele ve na kiyeka ya yawu. Nzambi kele Zuzi ya yawu. Kasi beno tala mutindu kukondwa mpasi ya lendaka salama, na bifwanusu nyonso mpe nyonso, mutindu ya zolaka vwanda ya kotalisa.

<sup>129</sup> Samu na yinki Koré kumonaka Yawu ve? Samu na yinki Dathan kumonaka Yawu ve?

<sup>130</sup> Samu na yinki Achab monaka Yawu ve? Ntangu Achab . . . Ntangu Josaphat kwendaka kuna na Achab, yandi tubaka, “Achab, beto kele na kati ya mpasi. Nge zaba ti Nzambi pesaka

beto yinsi yayi? Josué kabulaka yawu. Beno zaba kitini yayi ya ntoto awa yina bantu ya Syrie bakaka, kele ve ntoto ya beto?”

“Yinga!”

<sup>131</sup> “Bana ya beto kele na nzala, mpe bantu ya Syrie (mbeni ya beto) ba ke na kudisa bana ya bawu, ba ke fulusa mavumu ya bawu na blé yina lendaka vwanda ya beto.” Ya kele mbote landila masonuku. Yandi tubaka, “Nge zola kusadisa munu na kukwenda kuna mpe kubaka yawu?”

<sup>132</sup> Ntangu yayi, bantangu yankaka muntu ya mbote na yisi ya lutumu ya dyabulu ke pesa na kati. Kulutila mbote beno tala mbote, dibuundu, beno tala mbote-mbote mingi.

<sup>133</sup> Ntangu yayi, kima ya ntete beno zaba, Josaphat, vwandaka musambidi ya nene, yandi tubaka, “Mbote, beto fwana mata, kieleka, bapusu ya beto, beto nyonso kele bantu mosi.” Kasi bawu vwandaka ve bantu mosi! Ve! Yandi tubaka, “Mbote, bapusu ya beto kele bapusu ya nge, bantu ya beto kele bantu ya nge. Kieleka, beto ke kwenda.” Yandi tubaka, “Kasi beto yufula ntete Mfumu.”

<sup>134</sup> Na yawu yandi tubaka, “Oh...” (Achab) “. . .mbote, kukondwa ntembe, beto zolaka banza na yawu. Mbote, beto ke. . .”

<sup>135</sup> “Ya kele na profete ya Mfumu?”

<sup>136</sup> Yandi tubaka, “Mu kele na seminere ya kufuluka na bawu. Mu kele na bankama yiya awa, ya kulutila mbote yina kele. Bawu nyonso me kuzwa Doctorat ya bawu ya Philosophie, Doctorat ya Droit ya bawu nyonso zole, ba-Doctorat ya bawu ya Droit, mpe nyonso yankaka yina ke tambulaka na yawu. Bawu nyonso kele mosi. . .” Ntangu yayi beno bambuka moyo, bawu vwandaka baprofete ya ba-*Hebreux*, na lukolo ya baprofete.

<sup>137</sup> Yandi tubaka, “Beno nata bawu, beto kuwa bawu.”

<sup>138</sup> Na yina mu banza ti ya vwandaka Sédécias, mfumu ya nene ya (bishop), bawu nyonso, yandi kwisaka kuna, mpe yandi vwandaka na lutwadusu ya kimpeve. Yandi vwandaka na lutwadusu ya kimpeve, ya kieleka. Yandi kwizaka kuna, mpe salaka yandi mosi mampoka zole ya nene ya kisengo. Yandi tubaka, “Beno zaba, MUTINDU ME TUBA MFUMU, ‘Nge ke baka bibongo yayi mpe ke pusa bantu ya Syrie na ngaanda ya yinsi.’”

<sup>139</sup> Mbote, bayankaka nyonso ya bawu pesaka profesi, “Ya kele kaka kieleka!” Mosi na mosi ya bawu, seminere ya muvimba, na ngwisani. Beno me mona?

<sup>140</sup> Achab tubaka, “Nge me mona?”

<sup>141</sup> Josaphat, yina vwandaka mwa kimpeve, beno zaba, yandi yumaka ve ya muvimba, yandi tubaka, “Kasi ya kele ve na mosi yankaka kisika mosi kuna, yina beto lenda yufula?”



142 “Yinki beno ke zola kuyufula bayankaka, ntangu Oecuménique ya muvimba (kimvuka ya muvimba), ya ke tuba ‘Ya kele nyonso ya kulunga?’” (Benó lemvokila munu, beno me mona.) “Kima ya muvimba me tuba, ‘Ya kele yina beto fwana sala.’” Beno me mona? “Ya kele yina beto fwana sala.”

143 Yandi tubaka, “Kasi ya kele ve na mosi yankaka kisika mosi kuna?” Ya kele ya ngitukulu, beno zaba.

144 Yandi tubaka, “Yinga, ya kele. Ya kele na mosi, Michée mwana ya Jimla, kasi mu ke yinaka yandi.” Ntangu nyonso mutindu yina. “Mu ke yinaka yandi samu ti yandi ntangu nyonso ke sembaka kaka bantu ya beto, mpe ke singa munu, mpe ke tuba na munu yimbi nyonso yina me tala munu. Mu ke yinaka muntu yayi!”

145 Yandi tubaka, “Ah, kubika ve ntinu kutuba mutindu yina.” Yandi tubaka, “Kwenda sosa yandi.”

146 Na yawu bawu kwendaka kuna na mwana ya Jimla, bayankaka ya ba-évêque, to, mosi ya bakuluntu, mpe kwendaka kuna, tubaka, “Ntangu yayi, kuwa, nge zola kuvutuka dyaka na organisation? Nge ke tuba kima mutindu mosi yina bawu ke tubaka, bawu ke vutula nge.”

147 Kasi ya salamaka ti Nzambi vwandaka na muntu yina bawu lendaka ve kutula maboko ya bawu na zulu ya yandi; Nzambi vwandaka na maboko ya Yandi na zulu ya yandi. Yandi vwandaka kimonikisi ya Kieleka ya Nzambi. Yandi tubaka, “Kieleka,” yandi tubaka, “Mu ke kwenda kuna, kasi mu ke tuba kaka yina Nzambi ke tula na yinwa ya munu.” Ya kele na muntu ya Nzambi. Yandi tubaka, “Pesa munu mpimpa.” Na yawu mpimpa kwizaka, mpe Mfumu zonzaka na profete, mwa muntu ve. Mpe kima ya ntete beno zaba, yandi basikaka na suka yina vwandaka landa.

Yandi tubaka, “Yinki diambu samu na yawu, Jimla?”

148 Yandi tubaka, “Mata kuna,” yandi tubaka, “kasi mu me mona Israel ya kumwangana mutindu mameme na zulu ya mongo, kukondwa muvungi.”

149 Yandi tubaka, “Yinki mu me tuba na nge! Yinki mu me tuba na nge samu na yawu!” Mpe yandi tubaka . . .

150 Na yina évêque ya nene kwisaka mpe bulaka yandi mbata na yinwa, yandi tubaka, “Wapi mutindu Mpeve ya Nzambi me kwenda? Samu mu zaba ti mu vwandaka na Mpeve; mu binaka na Yawu, mu salaka bima nyonso yayi. Beno me mona, mu—mu vwandaka na Mpeve na zulu ya munu. Wapi nzila Yawu me kwenda?”

151 Ntangu yayi, beno me mona, Jimla na kuvwandaka mwana ya Nzambi, to profete ya kieleka ya Nzambi, yandi fyongoninaka vision ya yandi na Ndinga. Kana ya vwandaka ve na Ndinga, ya kele luvunu. Beno me mona? Ndinga ya

ngunga yina, beno me mona. Ntangu yayi, yandi tubaka landila masonuku, yinsi vwandaka ya bawu, yinsi vwandaka ya bawu. Landila Masonuku, bima nionso monanaka ya kusungama kasi kima mosi.

<sup>152</sup> Beno bambuka moyo, ya vwandaka Ndinga mosi yina salaka ti muvusu nionso kukwisa, Eve yina kwikilaka ve Ndinga mosi ya Nzambi; na ntete ya Biblia, Ndinga mosi nataka mpasi. Yesu, kwisaka na kati-kati ya Biblia, tubaka, “Muntu ke zinga na konso Ndinga yina me basika na yinwa ya Nzambi.” Na nsuka ya Biblia, yandi tubaka, “Muntu nyonso yina ke katula Ndinga mosi to ke bwela ndinga mosi na Yawu.”

<sup>153</sup> Ya kele ve kitini ya Nsangu ya mbote. . . Ba-Méthodiste me kuzwa ndambu, ba-Baptiste, ba-Presbytérien, mpe nyonso yankaka yina, bawu kele na kitini ya Yawu, Katolika kele na ndambu ya Yawu, Bambangi ya Yehowa, bawu nyonso yankaka.

<sup>154</sup> Kasi ya kele Ndinga ya muvimba, Ndinga nyonso, Ndinga ya ngunga, kele yina kele mfunu. Mpe beto ke sala yawu ata fioti ve tii kuna Nzambi ke pakula profete yina lenda telema mpe ke tuba Yawu, mpe kusiamisa Yawu, mpe kusiamisa Yawu ti Yawu kele kieleka. Ya ke luta kaka na kati ya bantu, ba ke zaba Yawu ata fioti ve, kaka mutindu ya ke vwandaka ntangu nionso.

<sup>155</sup> Beno bakatolika, mutindu Jeanne d’Arc, beno yokaka yandi na nkuni ya tiya ti yandi vwandaka ndoki; na manima beno me timuna banzuta ya banganga-nzambi yina, bankama zole ya bamvula na ntwala, mpe me losa yawu na nzadi. Beno zaba ve Santu Patrick mpe bayankaka ya bawu.

<sup>156</sup> Ya ke luta kaka na maboko ya beno dyaka, kima ya ntete beno zaba. Nzambi ke sala yawu, mpe beno ke zaba yawu ata fioti ve. Beno me mona, Yandi me syelumuka kaka mpe me baka Kento ya Yandi ya makwela mpe me nata Yandi na zulu, mpe me nata Yandi ntama, kaka na kati-kati ya bantu.

<sup>157</sup> Beto talaka, Michée yayi ya ntwenya tubaka ti yandi fyongoninaka, yandi zabaka ti Nzambi tubaka, na nzila ya profete ya kieleka na ntwala ya yandi. Profete na ntwala ya yandi, yinki yandi tubaka? Yandi tubaka yayi, yandi tubaka, “Achab, samu ti nge me panza muntu ya kudedama, to menga ya muntu ya kudedama Naboth, bayimbwa ke lekita menga ya nge mpe, mpe Jezabel.” Mpe ya kele kaka kieleka, yina zolaka salama samu ti Nzambi tubaka yawu. Wapi mutindu profete yina lendaka pesa profesu ya mbote ntangu ya vwandaka yimbi samu na yawu?

<sup>158</sup> Wapi mutindu mu lenda tuba na Nsungi ya Dibuundu yayi ya Laodicée bima ya mbote ntangu Nzambi kuzonzaka na kuteleminaka yawu? Nge kele kinkonga, na kati ya mpasi! Beno ke tuba, “Mu kele mvwama, mu kele na ya kulutula mbote. . . Mu kele na mabuundu mutindu ba-Méthodiste, mpe ba-Baptiste, mpe ba-Presbytérien. Mu kele na *yayi*, mu kele na *yayi*; ya

kulutila mbote *yayi, yina, mpe yankaka.*” Ya kele kieleka, kasi zaba ve ti beno kele kinkonga, mpofo, na kati ya mpasi, na kima ya kieleka yina Nzambi ke na kumonisama. Ya ke luta kaka na nzila ya beno, mutindu *yina*, ke basika mbala mosi. Beno me mona? Kwikila, bantu, ntete ntangu kuluta mingi.

<sup>159</sup> Ntangu yayi, beto ke tala ti yandi bulaka yandi na yinwa, mpe tubaka, “Wapi nzila Mpeve ya Nzambi . . .?”

<sup>160</sup> Michée tubaka, “Mu monaka Nzambi ya kuvwanda na zulu ya Kiti ya kimpumu. Mpe bawu nyonso . . . Yandi bokilaka banguzi ya Mazulu, tubaka, ‘Nani beto lenda kuzwa kuna mpe kuvuna Achab?’” Yandi tubaka, “Mpe mpeve mosi ya luvunu me basika mpe me kubwa na ntwala ya Nzambi; muntu ya luvunu.” Mpe beno bambuka moyo, mpeve yina ya luvunu kotaka na kati ya bapofete yina, bawu zolaka zaba kuna ti mpeve vwandaka na zulu ya bawu vwandaka ve landila Ndinga. Kasi bawu kunatamaka mingi samu ti bawu vwandaka bapofete ya ntinu, samu ti bawu vwandaka na nyonso ya mbote.

<sup>161</sup> Mpe ya kele yina dibuundu me sala bubu yayi. Beno me kwenda ntama ya kimbangi ya mutindu ya ntama yina beno kuzwaka bamvula me luta ntangu beno telemaka kuna na nsongi ya bala-bala mpe beno longaka Nsangu ya mbote.

Beno basika na ba-organisation yina mpe beno tuba ti beno kele “bantu ya kimpwanza” (Hé!) samu ti beno kele dyaka ya kufuka na kati ya yawu, mutindu ngulu na poto-poto ya yandi to yimbwa na biluki ya yandi. Kana ya me sala yandi kuluka mbala ya ntete, ya ke sala yandi kuluka dyaka. Ya kele kieleka! Nzambi basisaka beno na yinwa ya Yandi, Yandi tubaka, “Nge kele tiya ve madidi ve, to tiya ve to madidi ve”; beno ke kuzwa mwa balukutakanu, na manima beno ke sakana fioti, mwa miziki, mpe—mpe beno ke yimbila mwa fioti, ntangu, ya kele kieleka . . . ya me kuma kaka nsoni samu na Buklisto.

<sup>162</sup> Mwana ya munu ya bakala bokilaka munu kilumbu yankaka yina samu na kutala television, yina fwana vwanda ba vukanaka samu na kuyimba. Nkonga ya mwa ba-Ricky yina vwandaka ya kutelama kuna, vwandaka ningana bisika nyonso mutindu rock-and-roll yayi, mpe vwandaka yimba minkunga yina, ya kele nsoni na Yesu Klisto! Ya kele dyaka ve na mfunu na kati ya dibuundu ata fyoti. Ya ke monana mutindu ti ya kele nyonso kukuma rock-and-roll kima mosi, mpe mutindu ya kusala, na kisika ya Dibuundu ya Nzambi ya moyo kisika Yesu Klisto lenda talana Yandi mosi na ngolo. Ya ke monana ti, ya kele na kima mosi ke tambula mbote ve kisika mosi kuna. Ba ke na kukota na malembe. Mpe Biblia ke tuba ti ya ke vwanda mutindu yina. Beno me mona? Beno tala kisika beno kele. Beno sala keba, beno vumbuka na lufwa ntete ntangu kuluta mingi.

<sup>163</sup> Ntangu yayi beto ke tala, Yandi tubaka, “Nani beto lenda kuzwa na kubasika kuna mpe kuvuna Achab, samu na kunata

yandi kuna samu na kulungisa bandinga ya profete yina?” Beno me mona, kana profete tubaka Ndinga, mazulu mpe ntoto ke luta kasi Yawu lenda kubwa ve. Ya fwana salama. Na yawu ya kele yina, ya zolaka salama.

<sup>164</sup> Yandi tubaka, “Beno tula muntu yayi na boloko ya kati, beno dikisa yandi na dimpa ya mpasi mpe maza ya mawa. Ntangu mu ke vutuka na gemba, mu ke kipe yandi.”

<sup>165</sup> Michée simbaka kaka ngolo kuna, na kuzabaka ti yandi vwandaka na Mpeve ya Nzambi. Profesi ya Yandi, ba-vision ya yandi vwandaka kieleka. Nsangu ya Yandi vwandaka ya kusungama, samu ti Yawu vwandaka MUTINDU ME TUBA MFUMU na vision, MUTINDU ME TUBA MFUMU na Ndinga. Ya zolaka vwanda ya kusungama, ya vwandaka MUTINDU ME TUBA MFUMU. Yandi tubaka, “Kana nge vutuka kaka, Nzambi me zonga na munu ata fioti ve.” Mpe beno zaba yina salamaka, kieleka. Beno me mona, beno . . .

<sup>166</sup> Beno me bakula, mpangi. Beno kuwa.

<sup>167</sup> Kieleka, Caïphe, yandi lendaka ve kumona Yawu. Samu na yinki yandi talaka ve . . . ? Yandi vwandaka—yandi vwandaka évêque, yandi vwandaka pape ya mabuundu nionso kintwadi. Samu na yinki muntu yina lendaka ve kumona Yesu ya kutelama kuna? Samu na yinki yandi lendaka ve kubakula? Ntangu ba vwandaka yimba Psaumes 23, Psaumes 22, na kisika, na kati ya dibuundu, mpe, “Nzambi ya Munu, Nzambi ya Munu, samu na yinki Nge me yambula Munu?” mpe Yandi yina kele ya kulelika na kulunsi. Masonuku ya kieleka, Nzambi ya kieleka yina bawu vwandaka sambila, ba vwanda fundisa Yandi mpe vwanda kufwa Yandi samu “fanatiki.” Yawu yina.

<sup>168</sup> Ya ke sala beno mpasi kana mu tuba na beno ti ya kele kaka samu na kuvutukila dyaka. Biblia ke tuba ti Yandi vwandaka na ngaanda vwanda meka na kukota, mpe muntu ve zolaka bika Yandi kukota, “Yandi yina mu ke zolaka kupesa kitumbu mpe kusemba, mu sembaka yandi, mu ke ningisa yandi, kasi ya kele samu ti mu zola yandi. Beno zibula mpe beno bika Munu kukota.” Yinga. Yandi lendaka ve . . . “Beno bambuka moyo, mu zolaka ve kukota na dibuundu; ya kele *yandi*, muntu yandi mosi.” Yandi lendaka ve kukota na dibuundu, ba kangaka Yandi. Kaka ya kukondwa- . . . kaka organisation ya bawu nyonso, kele nsungi ya dibuundu yayi, ti Yandi vwandaka na ngaanda ya dibuundu. Ba me basisa Yandi na ngaanda! Ba me manga Yandi! Ba me losa Yandi! Samu . . . Yandi vwandaka me monisama kaka na kati ya mwa ntangu fioti na kati ya mabuundu yankaka, na mutindu ya kunungisama, nionso yina; kasi na kati awa, nsungi yina ke na kwiza ntangu yayi, kele kumonisama ya muvimba ya kimbangi ya Yesu Klisto mutindu mosi mazono, bubu yayi, mpe kukonda nsuka. Oh, mu ke ndima ti beto kele na mingi ya bilanda-landa, kasi beno fyongonina yina ya ntete, ya kisina.

169 Moise kwendaka kuna na misiku ya Nzambi, samu na kuvulusa Israel; mpe ntangu yandi salaka mutindu yina, yandi salaka bimangu mosi. Bamekudi landaka yandi. Kana ba vwandaka ntete, yandi zolaka vwanda mumekudi. Beno me mona, yandi vwandaka na Ndinga ya Mfumu, mpe Mfumu siamisaka; yandi vwandaka kaka swi.

170 Mpe, beno zaba, ti kima mosi yina ba silaka na bilumbu ya nsuka? “Mutindu Jambres na Jannes teleminaka Moise, mutindu mosi bantu yayi ya dibanza ya kubela na yina me tala Kieleka.” Mpe ntangu organisation ke landila . . . ke baka muntu na organisation yina, ya ke lakisa ti ya me katuka ve na Nzambi; samu ti, Nzambi ke salaka bima yina samu na kubenda mabanza ya bantu, mpe kuna Nsangu ke landa yawu. Kana ya kele ve, na yina ya kele ve Nzambi. Ya kele ve Nzambi! Nzambi ntangu nyonso ke salaka yawu.

171 Judas lendaka ve kubakula Yawu. Yandi tambulaka kaka na Yandi, yandi monaka Yawu ve.

172 Kasi ya kieleka, yina Nzambi tumaka, ti gene ya kieleka, germe yina ya kieleka, moyo ya Nzambi yina vwandaka na kati ya Nzambi ntete mbandukulu ya yinza; beno bambuka moyo, beno yina kele kieleka na Mpeve ya Nzambi na kati ya beno na nkokila yayi, beno vwandaka awa na Klisto samu Yandi vwandaka muvimba ya Ndinga. Yandi vwandaka muvimba ya Bunzambi na nzutu. Nzambi vwandaka na kati ya Klisto, samu na kuvutula ngwisani na yinza na Yandi mosi. Beno ke kwikila yawu? Beno tala, Yandi vwandaka na kati ya Klisto. Na yina kana beno vwandaka na kati ya Nzambi, gene, ndinga, kosalu yina me katuka na mbandukulu, na yina beno ke tambula na Yandi awa na zulu ya ntoto, nge zonzaka na Yandi na zulu ya ntoto, nge monaka mpasi na Yandi na zulu ya ntoto, nge kufwaka na Yandi na Calvaire, mpe beno vumbukaka dyaka na Yandi; mpe ntangu yayi beno kele ya kuvwanda na bisika ya Mazulu na kati ya Klisto Yesu, na kubundanaka na Yandi (Ndinga) mutindu Yawu ke disa na moyo ya beno, ti, “Muntu ke zinga na nzila ya konso Ndinga yina ke basika.”

173 Ve ndinga ya ba-Methodiste, ndinga ya ba-Baptiste; beno bambuka moyo, kana ya vwandaka na mosi yina bikanaka kuna na munkayulu, ba fwana yoka yawu na ntwala ya suka, samu ti mbasi kele nsungi ya dibuundu yankaka. Ya kieleka? Exode, Ya kele kieleka. Kidimbu, kifwanukusu ya Munkayulu.

174 Kielo. Yandi tubaka, “Mu ke tula kisika mosi. Ve . . . Nge ke sambila Munu ve na konso kielo yina Mu me pesa nge; kasi ya kele na Kielo mosi, mpe na Kielo yina Mu ke tula Nkumbu ya Munu.” Mpe kisika Mfumu me tula Nkumbu ya Yandi, ya kele kisika yina Nzambi ke yamba munkayulu ya beno. Beto me sala mitindu nyonso ya myelo, kasi Nzambi me sala Kielo. Nzambi

salaka Kielo, mpe Kielo yina vwandaka . . . Santu Jean kapu ya 10, Yesu tubaka, “Mu kele Kielo yango.”

<sup>175</sup> Nzambi tulaka Nkumbu ya Yandi na Yesu. Beno ke kwikila yawu? Yandi vwandaka Mwana ya tata ya yandi. Yandi tubaka, “Mu me kwiza na Nkumbu ya Tata ya Munu, nge me yamba Munu ve.” Mu me kwiza na nkumbu ya tata ya munu, nge me kwiza na nkumbu ya tata ya nge. Yesu kwisaka na Nkumbu ya Tata ya Yandi, na yina Nkumbu ya Tata ya Yandi kele Yesu; ya kieleka, samu Yandi kwisaka na Nkumbu ya Tata ya Yandi.

<sup>176</sup> “Mpe nge ke yamba Munu ve. Yankaka ke kwiza, mpe yandi nge ke kuzwa.” Beno ke baka ba-denomination ya beno mpe ke landila na bawu. Beno kwenda kaka na ntwala, Biblia ke tuba, “Ba kulaka samu na kulungisa kisika yayi. Mpofu, kinkonga, mpe zaba yawu ve.” Dibundu, nsambulu, oh, ya kele kieleka na busantu, kaka mutindu Cain vwandaka; kusala munkayulu, kusala nyonso kaka mutindu mosi Abel salaka. Kasi na luzayikisu ya me monisama na yandi yina vwandaka kisakramento, bambuma ya bilanga mpe kima mosi beno ke sala na diboko ya beno.

<sup>177</sup> Mukwikidi lenda mona Ndinga me kuma nsuni; bayankaka lenda sala yawu ve.

<sup>178</sup> Ba-Israelite yina nionso, na manima bawu monaka Moise ke sala yina mpe bawu nataka bawu kuna na kimvuka ya nene, kisika ba zolaka kanga yawu, bawu nyonso tubaka, “Beto ke kwenda na Balaam, samu ti beto ke banza ti Docteur Balaam kele kieleka. Yandi kele muntu ya mayele, yandi me longukaka mingi, nionso yina, na yina beto ke baka yawu.”

<sup>179</sup> Mpe Nzambi ata mbala mosi ve lemvokilaka bawu, Yandi bebisaka bawu kaka kuna na ntoto ya kuyuma. Mpe Yesu tubaka, Yandi mosi, “Ata mbala mosi ve ti bawu ke kwiza, ya kele ve na mosi ya bawu yina me kuzwa mpulusu.” Yesu tubaka . . .

<sup>180</sup> Bawu tubaka, “Batata ya beto kudyaka mani na ntoto ya kuyuma bamvula makumi yiya.”

<sup>181</sup> Yandi tubaka, “Bawu nyonso kele ya kufwa, ya kukabuka ya Seko na Nzambi. Bawu nyonso kele ya kufwa.” Kieleka! Samu ti bawu kuwaka foti. Ntangu Moise, yina me siamisama na Nzambi, mpe ntwadisi samu na kutalisa bawu nzila ya yinsi ya nsilulu, mpe bawu kwendaka ntama mingi, kasi na manima bawu zolaka kwenda ve na yandi.

<sup>182</sup> Ntangu yayi, bakwikidi lenda mona Yawu, kasi bantu ya kukondwa lukwikilu lenda mona Yawu me siamisama.

<sup>183</sup> Beno tala mutindu Caïphe vwandaka. Beno tala mutindu nganga-Nzambi yayi nionso mutindu ba vwandaka bokila bawu.

Mpe Yesu balukaka, yandi tubaka, “Nge kele ya tata ya nge dyabulu, mpe bisalu ya yandi nge ke sala.”

<sup>184</sup> Kasi ya vwandaka na mwa bakwikidi ya kuvwanda kuna. Beno ke banza ti bilandi yina lendaka bakula ntangu Yesu tubaka, “Munu na Tata ya Munu kele mosi”? Bawu zolaka ve kutendula Yawu. Ntangu Yandi tubaka, “Kana beno kudia ve nzutu ya Mwana ya muntu, beno kunwa Menga ya Yandi, beno ke na Luzingu ve,” ba lendaka kutendula Yawu? Ve. Kasi ba kwikilaka Yawu, samu ba monaka Nzambi me siamisama mpe me kuma nsuni.

<sup>185</sup> Yesu tubaka, “Kana Mu ke sala ve bisalu ya Tata ya Munu, na yina beno kwikila Munu ve. Kasi kana Mu ke sala bisalu ya Tata ya Munu, Ndinga yina ba zabisaka na ntwala samu na Munu na kusala, na yina beno . . . Kana beno lenda kwikila Munu ve, beno kwikila bisalu yina mu ke sala, ti beno kuzwa mpulusu.” Beno me mona? Yesu tubaka, “Mameme ya Munu zaba Ndinga ya Munu. Bawu zaba Ndinga ya Munu, bawu ke mona Yawu ntangu Yawu me siamisama samu na nsungi yina.”

<sup>186</sup> “Mbote, Caïphe zabaka Ndinga mpe!” Kasi Ndinga ve samu na nsungi *yina*. Yandi vwandaka na ndinga ya yina ba-Pharisien tulaka ntembe na kati ya yandi, kasi Ndinga ya ngunga yina me siamisama ve.

<sup>187</sup> “Bawu zaba Ndinga ya Munu, bawu zaba kidimbu ya Munu, bawu zaba diambu ya Munu ya ngitukulu.” Wapi mutindu ntangu yayi, na . . .

<sup>188</sup> Oh, beto vutuka na dilongi ya beto, samu beto ke kondwa kaka Masonuku mingi yayi kana ve, samu ti mu fwana sukisa na baminuti fyoti yina ke landa na mutindu nyonso, samu ti ya ke vwanda na ngunga ya kumi na baminuti fyoti. Mu zola Yandi.

<sup>189</sup> Bankundi, beno bantu yina vwandaka tambula na couloir yina mpe beno tula dikabu yina na kati kuna mwa ntangu fioti me luta; bantu yina ke disaka bana ya munu, ke lwatisa bawu bilele; bantu yina me tula mbongo ya beno (ti beno me kuzwa yawu na mpasi) na kitunga ya makabu, beno zaba kisika ya ke kwenda? Yina ke sadisa munu na bayinsi ya nzenza na mimpani yina me kuwaka ata fioti ve kima mosi samu na Nzambi. Ya kele yina mu ke salaka na yawu, konso mbongo, Nzambi kele Zuzi ya munu. Beno tala ndambu ya munu . . . bakala yayi kele ya kuvwanda kaka awa ntangu yayi yina kele na—na caisse ya dibuundu ya munu. Mu ke kuzwa bankama ya ba-dollar na sabala mosi, mpe yimeni; yina ke bikana ya yawu ke simbisa balukutakanu na bayinsi ya nzenza kisika ba lendaka ve kukwisa.

<sup>190</sup> Mabuundu ke zola ve kuyamba munu. Ba zola munu ve. Ve. Ya kele kieleka! Ba ke tuba samu na munu ntangu yayi: “Yandi kele. . .” Ba ke tubaka, “Yandi kele ‘Yesu Kaka,’ to yandi kele kima mosi mutindu yina, to eretiki mosi awa, fanatiki, mpe

nyonso mutindu yina, Jezabel.” Mpe mu—mu ke sosa yawu, ba bokilaka Mfumu ya munu, “Jézabel,” mpe ba bokilaka Yandi. . . ve Jézabel, kasi “Béelzébul.” Ba bokilaka Yandi bankumbu nionso yina ya yimbi. “Kana bawu bokilaka Mulongi ya yinzo, ‘Béelzébul,’ wapi mutindu bawu ke bokila bawu bilandi ya Yandi?” Na yawu yina ke sala ata luswaswanu ve.

<sup>191</sup> Mpe beno mosi, na lusalusu ya Nzambi, beno banza ti mu ke telama awa, muntu ya luvunu ya nene, mpe kutuba na beno kima mosi. . . ? To, mu zolaka kubwa ve na nzila ya kima yango kana mu banza ti ya vwandaka kukatuka na Nzambi?

<sup>192</sup> Kasi kana mu zola beno mpe zaba yina kele Kieleka. . . Beno me kuwaka munu ntete kutuba kima mosi na Nkumbu ya Mfumu kasi yina salamaka ve? Ve. Mu ke lomba na muntu nyonso. Mafunda ya bima yina ba tubaka, yawu nyonso kusalamaka. Beno bambuka moyo na ntangu yina ba bokilaka Samuel, mu banza ti ya vwandaka, mpe yandi tubaka. . . ? Israel zolaka kusala bawu mosi mutindu bayinsi yankaka. Ya kele samu na yina beno ba-Pentecotiste ke na kwiza. Beno zola kusala mutindu bantu nyonso yankaka. Beno kele ve bantu ya mutindu yina. Beno bika yawu ntama. Mabuundu ya nene mpe bima ya nene ya mbote, O mpangi ya bakala, kusala yawu ve. Beto ke longaka nkwezulu ya Mfumu me kuma pene-pene, beto kwenda na bilanga kuna mpe beto sala ve mimpani. Beno me mona, beno sala kima mosi samu na yawu.

<sup>193</sup> Kasi, beno me mona, Samuel tubaka, “Mu me bakaka ntete ntangu mosi mbongo ya beno na luzingu ya munu?”

<sup>194</sup> Bawu tubaka, “Ve, Samuel, nge me salaka yawu ata fioti ve.”

<sup>195</sup> Yandi tubaka, “Mu me tubaka na beno kima mosi na Nkumbu ya Mfumu kasi yina me salamaka ve?”

<sup>196</sup> “Oh, ya kele kieleka, Samuel. Beto ke kwikila ti nge kele profete yina Nzambi fidisaka. Yinga, tata. Nyonso yina nge tubaka salamaka, Samuel. Kasi beto zola yawu na mutindu nyonso.” Beno me mona yina salamaka. O mpangi ya bakala, Masonuku ke na kulandila kaka na kuvutukila Yawu mosi mpe nyonso yankaka na nzila ya Masonuku, samu ti ya kele mutindu ya Nzambi ya kusala yawu, beno me mona. Beno me mona, beno me kuma kaka na bantangu ya mutindu yayi.

<sup>197</sup> Beto baka kaka dilongi ya beto na nswalu nionso. Ntangu yayi, mu me kuzwa ntangu yayi nionso, mpe mu me kuma ntete ve na dilongi ya munu.

<sup>198</sup> Ya kele na ntima ya munu! Mu zola beno! Beno kufwa ve na yinza! Kana beno kele ya yinza, beno ke kufwa na yinza. Kana beno kele ya Nzambi, beno ke kwenda na Yandi na mvumbukulu. Na yawu beno soba nkadulu ya beno na nkokila yayi na zola ya yinza mpe bima ya yinza, mpe ba-credo nyonso yayi mpe nyonso, mpe beno tala mbala mosi na Calvaire na Munkayulu ya beno;



beno kutana na Yandi kuna na ntoto yina, samu ti ya kele kisika kaka yina Yandi ke kutana na beno. Yandi . . .

<sup>199</sup> Ba-Méthodiste ke tuba, “Ya kele na kati ya dibuundu ya beto”; ba-Baptiste ke tuba, mpe ba-Pentecotiste, mpe *yayi*, mpe ba-Presbytérien, mpe *yayi*.

<sup>200</sup> Kasi Yandi tubaka, “Mu ke kutana na bawu na kisika mosi, Kisika Mu ke tula Nkumbu ya Munu.” Ya kele na kati ya Yesu Klisto. Ya kele kisika Nzambi tulaka Nkumbu ya Yandi. Ya kele kaka Kisika yina Yandi ke kutana na beno; mpe ya kele Klisto, kele Ndinga, mutindu mosi mazono . . . Ya me kula kubanda na bitambi, na makulu. Mpe ntangu yayi ya kele na yintu, na kukubamaka na kukwenda; ke kulakisaka na kitezo ya kufuluka na Kento ya makwela, mutindu mosi na Bakala ya makwela.

<sup>201</sup> Ntangu yayi beto baka dilongi ya beto, na nswalu nionso, samu na bamuniti kumi, na manima beto ke sukisa. Ntangu yayi dilongi ya beto, beto nionso ke zola kusala bukebi na yawu. Ya salamaka diaka, mutindu dilongi ya beto, mutindu ya ke salamaka ntangu nionso.

<sup>202</sup> Nzambi fidisaka profete ya Yandi mutindu Yandi . . . Ndinga silaka na Malachie 3, “Munati-nsangu Mu ke tinda na ntwala ya kizizi ya Munu,” samu na kukwisa na ntwala ya nkwizulu ya Yandi.

<sup>203</sup> Ntangu yayi kana beno zola kusiamisa yawu, samu na kusiamisa yawu, Matthieu, kapu 11, ke siamisa mutindu mosi. Ntangu bilandi ya Jean kwizaka kuna mpe bawu monaka Yesu, bawu tubaka, “Jean kele na boloko.” Yandi tubaka, “Beto me kwiza lomba Nge kana yandi . . .”

<sup>204</sup> Disu ya ngononi ya Jean vwandaka ya kufika. Mpe yandi vwandaka na boloko, yandi vwandaka kubama na kufwa; yandi tubaka, “Kwenda yufula Yandi.”

<sup>205</sup> Beno me mona, Jean tubaka, “Oh, nkawa ya Yandi kele na diboko ya Yandi, Yandi ke kombula nionso na nsi ya ntoto ya Yandi.” Yandi banzaka ti Millenium ke banda kaka kuna, yandi banzaka ti mbuma vwandaka ya kukubama. Kasi ya zolaka kufwa mpe kukota na mwinga, kumata dyaka samu na kusala Kento ya makwela ya kieleka. Na yawu yandi tubaka, “Yandi ke vukisa blé ya Yandi na kibumbulu, mpe Yandi ke yoka, tiya.” Beno tala mbote muntu yina tekilaka Klisto na nsungi *yina*, yina yandi tubaka ke salama. “Mbuma . . .”

<sup>206</sup> Mpe mu banza ti beno kele ve ya kulala. Mbuma kele awa! Ba ke vukisa yawu na kibumbulu. Ya vwandaka Kento ya makwela yina, kitini yina ya yawu. Kasi yinki Yandi tubaka ke salama na yinti? Ya ke yokama na tiya yina ke kufwaka ve. Beno sosa mpulusu ntangu yayi na yina beno lenda. Beno vwanda mbuma, mwinga ve. Beno me mona? Beno kota na Luzingu, na nzutu ya ntama ya kufwa ve; beno kota na Luzingu ya Klisto, Ndinga me monisama, . . . me monisama mpe me siamisama mutindu yina.

Yayi kele—yayi kele ntangu ya kuvukana, masini ya kuyonzika ke na kwiza. Beno ke sala mbote na kukota na mbuma, samu ti mpusu ke bikana na manima.

<sup>207</sup> Ntangu yayi, beto ke tala ti ya salamaka, Yesu. . . Samu na kumanisa masonuku ya munu awa, Matthieu 11. Yandi kele- . . . yandi pesaka ve Jean. . . Yandi tubaka, “Ntangu yayi, beno vingila, mu ke pesa Jean buku na mutindu ya kutwadisa yandi mosi, *Mukwikidi Na Kati Ya Boloko*.” Ve! Yandi tubaka, “Beno telama mpe beno tala yina ke salama. Beno vutuka mpe beno lakisa Jean yina ke salama: bikata ke tambula, bampofu ke mona, bantu ya kufwa ke telama, mpe Nsangu ya mbote ke longama na bamputu.” Kaka kieleka yina profete tubaka ke salama. “Mpe kiese na beno yina Munu kele ve disakuba.”

<sup>208</sup> Mpe bilandi ya yandi bandaka na kumata na mungo, Yandi balukaka, tubaka, “Yinki beno kwendaka kutala ntangu beno kwendaka kutala Jean? Beno kwendaka mona muntu yina ke pesaka madiya na bilele ya ntalu, mpe nionso yina, ba-col ya kubalula na manima, mpe nyonso yayi, beno zaba?” Yandi tubaka, “Ba kele na bayinzo ya bantinu, ba ke yambaka ba-bébé mpe ba ke zika bantu ya kufwa, yandi zaba ve mutindu ya kusimba mbele ya yinda na maboko nyonso zole.” Beno me mona? Yandi tubaka, “Yinki beno kwendaka kutala? Madiadia yina ba me ningisa na mupepe?” (“Kwiza, Jean, Mu ke pesa nge mbongo mingi kana nge kwiza awa.” “Mbote, nkembo na Nzambi, mu kele dyaka ve Methodist, mu ke vwanda Pentecotiste, mu ke vwanda Presbyterien, Mu ke vwanda *yayi, yankaka*, ntangu nyonso ya kele na mbongo mingi.”) Yandi tubaka, “Beno kwendaka kumona madiadia yina ba me ningisa na mupepe.” Yandi tubaka, “Yinki beno kwendaka kutala kuna, profete?” Yandi tubaka, “Yinga, mpe ya kulutula profete.”

<sup>209</sup> Jean futaka kaka kitadisi ya kulutula yimbi yandi lendaka na Yesu. Beno zaba ti ya zolaka kwiza mutindu yina. Yandi yufulaka kaka Yandi na manima yandi me talisa Yandi mpe me mona Kidimbu yina na zulu ya Yandi, yandi tubaka, “Yayi *kele* Mesiya,” na manima yandi ke kwiza mpe ke yufula, “Nge kele Yandi, to beto ke sosa muntu yankaka?”

<sup>210</sup> Kasi, beno tala, Yesu zabaka yawu, Yandi balukaka mpe pesaka yandi lukumu, na kutubaka, “Yinki beno kwendaka kutala, madiadia yina ba me ningisa na mupepe?” Yandi tubaka, “Ya me vwandaka ntete ve na bakala ya nene yina me butuka na kento mutindu Jean, tii kilumbu yayi.” Ya kele kieleka! Wapi lukumu ya pesaka bakala yayi!

<sup>211</sup> Kasi, beno me mona, ya vwandaka, profesi kusalamaka kaka na ntwala ya bawu, na muntu yina tekilaka nkwizulu, kieleka yina Malachie tubaka. Ntangu yayi, ya kele Malachie 3, Malachie 4 ve.

<sup>212</sup> Jean Mubotiki vwandaka Malachie 3, Yesu tubaka yawu. Ntangu bawu yufulaka Yandi, bawu tubaka, “Samu na yinki misoniki me tuba . . .”

Yandi tubaka, “Yandi me kwiza yimeni. Bawu salaka yina bawu tubaka.”

<sup>213</sup> Kasi, beno bambuka moyo, Malachie 4, na mbala mosi na manima ya profete ya Malachie 4, nkwezulu ya yiya ya Jean-Baptiste, to, . . . ya Elie, nkwezulu ya tanu ke vwanda zole ya Apocalypse, bambangi, ntangu yandi ke kwisa samu na bayina bikanaka ya ba-Juif. Kasi Nzambi sadilaka kaka Mpeve mosi yina bambala tanu: lemvo, J-e-s-u-s [Y-e-s-u—Mu.], ya vwandaka Yesu ntangu nionso; l-u-k-w-i-k-i-l-u [f-a-i-t-h—Mu.], l-e-m-v-o [g-r-a-c-e], mpe nionso yina. Beno me mona? Lutangu tanu kele lutangu ya lemvo mpe Yandi sadilaka yawu. Ya ke sadila kaka tatu ve, ya ke sadila kaka zole ve, tatu, yiya. Ya kele bambala tanu Yandi ke sadilaka yawu.

<sup>214</sup> Ntangu yayi, beno tala na nswalu ntangu yayi, na yina beto ke manisa. Yandi tubaka, “Yayi kele yandi yina ba me zonzila, ‘Mu ke fidisa munati nsangu ya Munu na ntwala ya Munu.’”

<sup>215</sup> Kasi na Malachie 4, na mbala mosi na manima ya profete yina ke pesa profesi, ntoto ya muvimba ke yokama tiya, mpe bantu ya kudedama ke tambula na zulu ya bombi ya bantu ya yimbi. Beno me mona? Kieleka! Beno me mona, ya kele profesi ya Malachie 4.

<sup>216</sup> Mpe beno tala na Luc 17, kisika Yandi tubaka, “Na bilumbu ya nsuka, ya ke kwiza mutindu Sodome mpe Gomorrhe dyaka.” Beto kele na yawu? Beto kele na Sodome mpe Gomorrhe dyaka? Bayinsi nyonso, beno tala yawu. Beno tala yina yandi tubaka kaka na yina me tala Angleterre, bima nyonso me beba. Ata mpe madya me beba. Mpe beno tala awa yina science . . . Beno ke mona na *Reader’s Digest*, mu banza ti ya kele ngonda me luta, bawu tubaka, “Bana ya babakala mpe bana-bakento ke luta na kati-kati ya bamvula makumi zole na tanu.” Mu ke kutana na bawu na lukutakanu, bana ya bakento ya fioti na menopause, mpe bamvula makumi zole, makumi zole na zole, na menopause. Yinki ba me zenga samu na yinki? Kubeba, kuvukisa bankuna. Ya kele kieleka yina me bebisa, nyonso me bebisa nzutu. Beto kele kima ve kasi mvindu ya—ya . . . kaka mutindu yinti yina ba me vukisa.

<sup>217</sup> Beno baka yinti yina ba me vukisa mpe beno tula yawu kuna, mikolobo nyonso ke landa yawu na mbangu. Kasi yinti ya kieleka, ya kisina, mikolobo ke kwenda ntama na yawu, yandi lenda ve kutelama na zulu ya yawu. Mpe ya kele yina kele dyambu na dibuundu, beto me vukisa yawu.

<sup>218</sup> Yawu yina vwandaka mpasi na mpunda ya kununa ya Pearry Green, kuna na zulu, yandi losaka mwana-bakala yayi kilumbu yina, yandi kele kima ve kasi mwa mpunda ya kununa ya quarter

horse. Beno me mona? Kima mosi kaka ya kele, yandi . . . Ya kele kaka mutindu mulet, yandi kele—yandi kele. . . mulet zaba ve nani kele papa ya yandi to mama ya yandi, yandi zaba kima mosi ve; yandi kele ndambu ya mulet na ndambu ya mpunda; mpe ndambu ya *yayi* mpe ya mbuluku; yandi zaba ve yina yandi. . . Beno lendaka ata fioti ve. . . Yandi ke vingila luzingu ya yandi nionso samu na kulosa beno makulu na ngolo nyonso. Ya kieleka! Beno lenda bokila yandi, kutuba, “Kwiza, mwana. Kwiza, bakala.” Yandi ke telemisa makutu ya yandi, mpe, “Hone! Hone! Hone!” Beno me mona?

219 Mutindu mosi ya bayayi ke tuba “Bilumbu ya bimangu me luta, Hone! Hone! Hone!” ndambu ya bayayi yina ba me vukisa, fwana vwanda bamambeke ya dibuundu mpe Baklisto. Mu ke tuba yawu ve samu na kusakana, kasi ya kele Kieleka. Kasi ya kisina, ya menga ya kieleka, mpangi-bakala, yandi zaba nani tata ya yandi vwandaka, nani mama ya yandi vwandaka, nani nkooko ya yandi ya bakala, nkooko ya kento vwandaka, beno lenda longa yandi kima mosi, yandi kele na lutondo.

220 Mpe Muklisto ya kieleka yina me butuka na Mpeve-Santu mpe yina me fuluka na ngolo ya Nzambi mpe Ndinga ya Nzambi, yandi zaba nani kele tata ya yandi, nani mama ya yandi kele, nani nkooko ya yandi ya bakala, nkooko ya kento vwandaka, yandi zaba nyonso na yina me tala Yawu. Beno lenda longa yandi kima mosi.

221 Kasi kima yina ba vukisaka, ya kele yina ke kwizaka na mabuundu. Kima ba vukisaka kati-kati ya yinza mpe ba-organisation ya misambidi, mpe ba me tula mwa Ndinga mosi na kati ya yawu *awa*, mwa Ndinga mosi *kuna*, kaka mingi samu na kuvuna. Kieleka. Ntangu beno ke mona Ndinga ya kieleka ya Nzambi monisamaka mutindu Caïphe mpe bayankaka salaka, bawu me kwenda ntama na Yawu, bawu zaba ve. Yina ba me vukisa!

222 Ntangu yayi beto ke mona, mpe na nsangu yayi, Ésaïe 40:3 mpe siamisaka Jean. Yandi tubaka, “Ndinga ya muntu mosi, profete mosi, vwandaka boka na ntoto ya kuyuma, ‘Beno yidika nzila ya Mfumu, beno sungika nzila ya Yandi.’” Dibuundu vwandaka kwikila yandi ve, samu ti yandi vwandaka ve ya kimvuka ya bawu. Profete yina basikaka na ntoto ya kuyuma, yandi kwisaka na kuzabaka muntu mosi ve. Yandi vwandaka na Mpeve ya kieleka na zulu ya yandi yina Elie vwandaka na yawu: yandi vwandaka muntu ya ntoto ya kuyuma, yandi yinaka bakento ya kukondwa buzitu.

223 Beno bambuka moyo mutindu Elie. . . Yinki salaka ti ba katula yandi yintu? Vwandaka Jézabel. Jézabel vwandaka dyambu ya lufwa ya yandi. Ya nataka yandi na ntoto ya kuyuma.

224 Jean Mubotiki, muntu yankaka ya mfinda, muzombi mosi, muntu ya mfinda. Beno tala mbote. . . Yandi zolaka. . . yandi

longukaka ve. Beno tala mbote dilongi ya yandi—ya yandi, vwandaka ve mutindu théologien. Yandi tubaka, “O beno nsungi ya bitupa!” Kima ya kulutila mvindu beno lendaka mona na kati ya ntoto ya kuyuma, ya mayele ya kulutila yimbi, vwandaka—vwandaka nioka. Mpe yandi bokilaka banganga-Nzambi yina, “Beno nsungi ya banyoka! Nani me pesa beno malongi ya kukima nganzi yina ke na kwiza? Beno banda ve na kutuba, ‘Beto kele ya *yayi*, mpe beto kele na *yayi* to *yina*,’ samu ti mu ke tuba na beno, Nzambi kele na kiyeka ya matadi yayi,” ntoto ya kuyuma. Mpe, “Disoka” (yina yandi sadilaka) “kele ya kutula na nsimbulu ya yinti; mpe konso yinti yina ke butaka ve mbuma ya mbote, yandi ke kula mpe ke losa na tiya.” Amen.

225 Yandi vwandaka mulongi ya yinza. Muntu ya nene ya Nzambi, yina zingaka mwa ntangu fyoti, kasi kieleka pelisaka tiya na ntoto. Yandi ningisaka nsungi yina na kati ya bawu bangonda sambanu ya ministele ya yandi. Nzambi telemisaka yandi bamvula makumi tatu, samu na kuzwa bangonda sambanu yina samu na yandi. Kasi Nzambi ke salaka mutindu ya Yandi Mosi, Yandi zaba yinki kele ntangu ya Yandi ya kuyonzika.

226 Mpe beto ke tala ntangu yayi ti yayi kele kieleka yina salamaka. Bawu kwikilaka yandi ve, samu ti yandi vwandaka ve ya bawu. Bawu salaka yawu ve. Bawu vwandaka kaka mutindu beto, bawu kumonaka Yawu ve. Bawu kwikilaka ve Ndinga ya Nzambi ya Malachie 3, to bawu zolaka mona pwelele, na nzila ya mukanda, ti yayi vwandaka muntu yina tekilaka. Bawu vwandaka ve na profete bamvula nkama yiya, mpe awa mosi ke kota na kusalu na mbala mosi. Beno me mona? Mpe bantu, bakwikidi, kwikilaka ti yandi vwandaka mutindu yina. Beno me mona, bawu kwikilaka Yawu ve. Bawu kwikilaka ve, samu ntangu bawu monaka mukanda ya muvimba kusiamisa, yina Yandi tubaka ti Yandi ke sala, mpe nyonso, mpe monaka Yawu pwelele ntangu Ndinga kwizaka mbala mosi na maza na profete. Kuna bawu telamaka.

227 Ya kele na kuswana mingi na zulu ya Masonuku yina kuna samu na Jean. Beno me mona, Jean tubaka, “Mu ke na nsatu ya kubotama na Nge, mpe samu na yinki Nge me kwiza na munu?”

228 Yesu tubaka, “Tala mpasi ya kuvwanda mutindu yina, samu ti mutindu. . . kasi mutindu ya kele ya kulunga samu na beto, ya me tala beto (ya kulunga) ti beto kulungisa. Mbote mingi, Jean, nge na kuvwandaka profete, nge zaba ti ba fwana sukula munkayulu ntete ba monikisa yawu. Mpe mu kele Munkayulu yina, mpe nge kele profete mpe nge zaba yawu.” Na manima yandi teleminaka Yandi dyaka ve mpe botikaka Yandi. Beno me mona? Mpe yandi zabaka ti ya vwandaka.

229 Beno tala, ba sekaka yandi, ba bokilaka yandi “muntu ya mfinda, yina ke boka, fanatiki yina me longukaka ve,” mutindu

beto kele ntangu nyonso, profete yina vwandaka muntu yina tekilaka nkwezulu ya ntete ya Yesu.

<sup>230</sup> Mu ke tuba ve ti bawu kele . . . bawu kele ve na bilanda-landa mosi bubu yayi ya—ya kieleka. Bawu ke salaka, bawu kele ya kieleka. Kasi, beno bambuka moyo, kisika beno ke mona dollar ya luvunu ya fwana vwanda na dollar ya kieleka yina ba me sala. Kisika beno ke mona kumekula mosi samu na kuvwanda Muklisto, ya fwana vwanda na Muklisto ya kieleka kisika mosi kuna; samu ti, kana ya zolaka ve, *yayi* zolaka vwanda ya kisina. Beno fwana kuma na ya ntete. Kasi beno tala ya ntete yina, mpe beno mona kana ya ntete kele kaka kieleka na nsilulu. Kana ya kele mutindu yina, na yina beno kwikila Yawu: nsilulu ya nsungi.

<sup>231</sup> Na ntangu yina profesi ya Jean vwandaka me siamisama na ntumunu ya Nzambi. Ndinga kwizaka na profete mpe siamisaka yandi kieleka mutindu muntu yina.

<sup>232</sup> Dyaka Yesu kwizaka na . . . mutindu yankaka na lubakusu ya bawu ya profesi yina. Bawu bakulaka Yawu ve mutindu yina. (Ntangu yayi, beto ke kwenda na nsuka ntangu yayi.) Kasi landila Ndinga ya profete, Yawu vwandaka lungisama landila kisono na kisono. Profesi me lungisama; kasi mutindu bawu banzaka ti Yawu ke vwanda, Yawu vwandaka ve mutindu yina. Ntangu yayi, wapi mutindu bawu lendaka bakula mpe zabaka nani vwandaka kieleka to luvunu? Kumona kana ya vwandaka ya kusiamisama na Nzambi, kana ya vwandaka Nzambi vwandaka tendula yina Yandi tubaka. Ya vwandaka na Bayesu ya luvunu yina vwandaka telama, mpe vwandaka twadisa muntu . . . nkonga ya bankama yiya, kuna na ntoto ya kuyuma mpe nyonso; kasi yandi ata mbala mosi ve siamisaka na kusala yandi mosi na kati ya Ndinga, beno me mona, mutindu Yandi tubaka.

<sup>233</sup> Yesu, ntangu Yandi kwisaka, Yandi lendaka vwanda Profete. Ya kele kieleka! Mpe bubu yayi, ntete Yesu kwiza dyaka, kumonisama ya muvimba ya Muntu ya Yesu Klisto ke monisama na nzutu. Beno banza na yawu! Yesu tubaka, “Mutindu ya vwandaka na bilumbu ya Sodome, mutindu mosi ya ke vwanda na nkwezulu ya Mwana ya muntu, ntangu Mwana ya muntu me monisama pwelele.” Yinki kele yina me *monisama*? “Yina me zibuka, yina me zabana.” Kinsweki me talisama, me monisama. Na kilumbu yina Mwana ya muntu ke monisama, yinza ke vwanda na mutindu ya Sodome. Beto me kuzwa yawu, mutindu yina ve? Yinga! Bantu yikwa ke kwikila yawu? Ya kele na mutindu ya Sodome. Ya kele kaka kieleka! Beno tala kisika ya kele ya kuvwanda, ntangu yayi.

<sup>234</sup> Beno bambuka moyo, ya kele ntangu nyonso na bimvuka tatu ya bantu na kati ya nkonga nyonso ya bantu yina beno ke vukanaka, ya kele, bakwikidi ya kati-kati, bantu ya kukondwa

lukwikilu, mpe bakwikidi. Beto keke na bawu na konso kimvuka. Ba vwandaka na bawu na ntangu nionso. Ya vwandaka na bantu ya Sodome, ya vwandaka—ya vwandaka na ba-Israelite, mpe ya vwandaka na Abraham.

<sup>235</sup> Abraham vwandaka kimvuka yina ba me bokila na kubasika, yandi vwandaka ve na Sodome na kubanda. Ntangu yayi beno tala mbote Nsangu ya bawu! Ba vwandaka sosa mwana ya nsilulu, ba vwandaka sosa yawu kubanda bamvula mingi. Nzambi lakisaka Abraham bidimbu mingi ya nene mpe mambu ya ngitukulu, kasi awa Nzambi kulumukaka Yandi mosi mutindu muntu!

<sup>236</sup> Beno ke tuba, “Yina vwandaka Wanzio.”

<sup>237</sup> Abraham bokilaka Yandi, “Mfumu,” kisono ya nene M-f-u-m-u. Mutangi nionso ya Biblia zaba ti kisono ya nene M-f-u-m-u keke Elohim. “Na mbandukulu Nzambi,” Mfumu Nzambi, Elohim, Yandi yina keke ya Kulunga. Abraham bokilaka Yandi, “Mfumu Nzambi, Elohim.”

<sup>238</sup> Ntangu yayi beno tala, ya vwandaka na bantu zole yina kwendaka na Sodome na nsangu, mpe bawu longaka na bantu ya Sodome. Bawu salaka kima ve, kasi kufwaka bawu meso; na yina, kulonga Nsangu ya mbote ke kufwaka muntu ya kukondwa lukwikilu.

<sup>239</sup> Kasi beno tala mbote wapi mutindu ya kidimbu nkonga ya Abraham kuzwaka!

<sup>240</sup> Ntangu yayi, beto fwana vwanda Nkuna ya kimfumu ya Abraham, Isaac vwandaka nkuna ya kimuntu. Kasi Nkuna ya lukwikilu, lukwikilu na Ndinga ya nsilulu, Ndinga ya *nsilulu* (Beno kondwa yawu ve.) vwandaka Nkuna yina ya kimfumu; yina vwandaka Nkuna, lukwikilu ya Abraham. “Beto na kuvwandaka ya kufwa na Klisto, beto keke Nkuna ya Abraham, bibiyadi na yandi landila nsilulu.”

<sup>241</sup> Beno tala ntangu nyonso yina kusalamaka, kuna na Sodome ya vwandaka na balongi zole kuna yina vwandaka longa na nsangu ya nene.

<sup>242</sup> Ya vwandaka na Mosi ya kuvwanda awa na kimvuka ya Abraham yina vwandaka vuna ve na kimvuka yina kuna. Ntangu yayi beno tala mbote Yandi yina bikanaka na kimvuka ya Abraham, wapi mutindu ya kidimbu Yandi pesaka bawu. Yandi tubaka . . . Ntangu yayi, beno bambuka moyo, nkumbu ya yandi vwandaka Abram mwa bilumbu fioti na ntwaala ya yina; mpe ya vwandaka S-a-r-a-i, ve S-a-r-a (ntinu ya kento). Mpe Muntu yayi, na mukongo ya Yandi ya kubaluka na tenta . . .

<sup>243</sup> Bakento na yina vwandaka ya kuswaswana bawu keke ntangu yayi. Ba fwana basika mpe kuzwa kusalu ya bakala ya bawu mpe nyonso yankaka, beno zaba. Kasi bawu salaka yawu ve na ntangu yina; bawu vwandaka na manima.

244 Na yawu bawu...Na yawu Wanzio ya kuvwanda kuna, munati-nsangu, mpe Yandi tubaka, "Abraham, wapi kisika kele kento ya nge (S-a-r-a-h) Sarah?" Wapi mutindu Yandi zabaka yawu? Wapi mutindu Yandi zabaka yawu?

245 Abraham tubaka, "Yandi kele na kati ya tenta na manima ya Nge."

246 Yandi tubaka, "Mu ke kwiza tala nge landila ntangu yina Mu silaka nge. Mu ke kwiza kutala nge." Mpe Sarah mutindu ya kuseka yandi mosi.

247 Na mukongo ya Yandi na tenta, Yandi tubaka, "Samu na yinki Sarah me seka, na kutubaka, 'Wapi mutindu bima yayi lenda vwanda?'" Kana yandi vwandaka ve na kati ya Abraham, kento ya yandi ya makwela na ntangu yina, Nzambi zolaka kufwa yandi. Na yina beto ke sala yawu bubu yayi na kukondwa lukwikilu ya beto nionso, kana beto vwandaka ve na kati ya Klisto. Yina ke kangaka beto kaka kuna, beno me mona. Yandi lendaka ve kutalisa mpasi to lendaka ve kubaka Sarah kukondwa kutalisa Abraham mpasi. Beno me mona?

248 Mpe na yawu beno bambuka moyo, Yesu tubaka, "Mutindu ya vwandaka na bilumbu ya Sodome, mutindu mosi ya ke vwanda na nkwezulu ya Mwana ya muntu." Beto ke mona, muntu nionso ke wisana, ti yinza kele na mutindu ya Sodome. Mu lokotaka zulunale mosi ya Los Angeles awa ntama mingi ve, mpe tubaka, mu banza ti ya kele, "Homosexuel kele na kufuluka ya makumi zole to makumi tatu na zulu ya nkama na Los Angeles, konso mvula ke na kukumisa yawu mingi." Ya kele . . . Oh, ya kele mpasi mingi! Na luyalu ya beto mpe bisika nyonso, nyonso me kuma kaka kubeba. Ya kele kieleka! Kima ya muvimba, sysiteme nyonso, dibuundu mpe nyonso yankaka yina me beba. Ya kele na nsungi ya kubeba.

249 Ntangu yayi mu zola kuyufula beno ba-théologien kima mosi, ya bampangi ya munu. Ve ti mu ke na kuzonzila na nge, mpangi ya munu ya bakala ya luzolo; mu kele awa samu na kusadisa nge, mpangi ya bakala. Mu kele awa samu na kutelama na zulu ya yina Ndinga ya Nzambi me tuba kele kieleka, beno telemisa diboko ya beno mpe beno basisa nkonga ya bantu yayi na ngaanda ya bima yayi. Ya kieleka!

250 Kasi beno tala awa, beto vwandaka ata fioti ve na munati-nsangu mosi kuna na Sodome na ntwala ya yina ti nkumbu ya yandi sukaka na h-a-m tii na ntangu yayi. Beto me kuzwa Spurgeon mosi, Wesley mosi, Luther mosi, mpe nyonso yankaka, kasi ata fioti ve munati-nsangu ya yinza ya muvimba yina nkumbu ya yandi sukaka na h-a-m, na ntwala. Ya kieleka! Beno me mona, G-r-a-h-a-m, bisono sambanu, G-r-a-h-a-m, Billy Graham; evangeliste yina ve, kusalu ya nene ya Nzambi, ba me fidisa muntu na Nzambi. Yandi kele na kunungisama yango na



yisi mingi ya pat, tii yandi ke pasula yinsi na yawu, beno me mona, mutindu yina. Ya kele ve . . .

<sup>251</sup> Beno tala Oral Roberts na denomination ya ba-Pentecotiste. Wapi ntangu ya vwandaka na mosi mutindu yina?

<sup>252</sup> Bisono sambanu, sambwadi ve. Abraham kele A-b-r-a-h-a-m, sambwadi. Billy Graham kele G-r-a-h-a-m, sambanu.

<sup>253</sup> Ntangu yayi beno tala minati nsangu. Beno tala ntangu beto ke vwanda, ata mbala mosi ve ti beto me vwanda ntangu na disolo. Beno tala bidimbu mosi yina Yandi silaka ke pesama na konso kimvuka. Beno tala kisika bawu kele. Mutindu mosi, ya kieleka, landila ntelamanu, kuvwanda kaka na ndonga. Yinza, yinza, nyonso, kele ya kuvwanda kaka kieleka na ntangu.

<sup>254</sup> Ntangu yayi beno kondwa yawu ve, na yina beto ke kombula Masonuku yankaka yayi. Na nswalu ntangu yayi, samu ti mu me baka beno ntangu ya yinda. Kubokila . . . Beno tala awa. Mpe landila profete, yandi kwizaka kaka kieleka na Ndinga, kaka kieleka na ntangu.

<sup>255</sup> Ntangu yayi beno tala nsungi ntangu yayi kisika beto ke na kuzinga. Beto ke na kuzinga ve na ntangu yina ya Sodome? Beno tala mbote munati-nsangu na kimvuka ya Abraham. Beno tala mbote balutangu, mikanda, mpe bidimbu ya ntalu ya nkumbu ya yandi. Beno ke tuba, “Ya kele ve na kima na nkumbu.” Beno bika ata mbala mosi ve muntu kutuba na beno yawu. Samu na yinki Yandi sobaka nkumbu ya Abram, na Abraham, Sarra na Sarah? Samu na yinki Yandi sobaka Simon na Pierre, mpe nyonso yina yankaka? Beno me mona? Kieleka ya kele. Kieleka!

<sup>256</sup> Ya kele samu na yina mu ke tubaka, beno bokila ata mbala mosi ve mwana ya beno “Ricky,” to “Elvis,” to kima mosi. *Elvis* zola kutuba “niawu,” *Ricky* kele “mpuku.” Beno me mona, ntangu beno ke tuba . . . Ya kele kaka kieleka. “Ba-L,” to kima mosi, beno bokila ata fioti ve mosi ya mwana ya beno . . . bana yina. Kana ya kele mutindu yina, beno soba yawu kaka na nswalu nyonso, bantu. Beno ve . . . Beno yina . . . Kana beno ke kwikila ti mu kele kisadi ya Nzambi, beno namika ve nkumbu yina na zulu ya mwana yina ya mputu. Beno me mona? Ve, tata, pesa yandi nkumbu yankaka na lweka ya yawu. Oh! Mu zolaka basika na yawu ve, samu ti mu kele na ngaanda ya dyambu ya munu, kasi mu tubaka yawu mpe ya me manisa. Mu . . . Ya kele mutindu beno ke salaka, beno zaba ve ntangu beno ke tuba yawu. Beno me mona?

<sup>257</sup> Yandi bokilaka Yandi, “Nzenza, nganga-nkisi, diabulu, Béelzébul,” mpe yandi tubaka, “Yandi kumaka Yandi mosi Nzambi.” Oh, la la!

<sup>258</sup> Esaie profete tubaka ve, “Ba ke bokila Yandi Nzambi ya Ngolo”? Esaie 9:6, “Samu na beto Mwana me butuka, Mwana me pesama, mpe luyalu ke vwanda na zulu ya mapeka ya Yandi, mpe ba ke bokila Yandi Konseye, Ntinu ya Ngemba, Nzambi ya

Ngolo nionso, Tata ya kukonda nsuka.” Ya kieleka! Mpe, Santu Jean 1:1, “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi. Mpe Ndinga kumaka nsuni mpe zingaka na kati-kati ya beto.” Beno ke kwikila yawu? Yandi vwandaka kaka ve . . . Yandi vwandaka Profete, kasi Yandi vwandaka kulutila profete; Yandi vwandaka Nzambi-Profete. Samu na yinki Yandi zolaka kwiza?

<sup>259</sup> Beno bambuka moyo, Yandi kwizaka na bankumbu tatu ya mwana. Yandi kwizaka ntete na nkumbu ya Mwana ya muntu. Yandi ata mbala mosi ve kukibokilaka Yandi mosi “Mwana ya Nzambi.” Beno zaba yawu. Beno me mona, Yandi kwizaka na Mwana ya muntu, Profete. Yehowa Yandi mosi, Tata, bokilaka Jérémie, “mwana ya muntu”; profete kele mwana ya muntu. Yandi kwizaka . . .

<sup>260</sup> Ntangu yayi Yandi kwizaka, na manima ya Kilumbu ya Pantekote, Yandi vutukaka na mutindu ya Mpeve-Santu, Mpeve ya kimpeve. Ntangu yayi Yandi kele Mwana ya Nzambi.

<sup>261</sup> Na Millénium Yandi ke vwanda Mwana ya David, ya kuvwanda na zulu ya kiti ya kimfumu ya David. Beno me mona, Yandi kotaka . . . Yandi kele Mwana ya Nzambi, Mwana ya muntu, Mwana ya David.

<sup>262</sup> Oh, Biblia kele ya kufuluka na ba-pépite yayi. Beto lenda ve kuzwa yawu nyonso na nkokila mosi. Kasi ya kele kaka ya kulunga na kutula yayi ntangu yayi. Mbasi lendaka ata fioti ve kupesa. Beto lendaka kwenda na ntwala mbasi. Mu lendaka longwa na muntu yina ke kufwa na ntwala ya suka. Mu lendaka kwenda na ntwala na suka. Mpangi ya bakala, mpangi ya kento, yina kele disolo ya luvunu ve, yina kele kieleka mambu! Beto zaba ve yinki ntangu beto ke kwenda, mpe beno ke kuzwa siansi ve na manima ya kupema yina ya nsuka ke bika nzutu ya beno. Sungika yawu ntangu yayi, kuingila ve tii na suka, ntangu lendaka vwanda me luta mingi.

<sup>263</sup> Beno tala ntangu yayi, bawu salaka na Yandi kaka kieleka yina bapofete tubaka ti bawu ke sala, kaka mutindu ba ke na kusalaka na kilumbu kaka mosi yayi na Nsungu ya Laodicée. Kana beno zola kutala yawu, beno tanga Apocalypse 3, “Mpofo, kinkonga, mpe beno zaba yawu ve. Beno baka Klisto . . .” Ntangu Yandi ke banda na kumonikisa Yandi mosi na mutindu ya nkuna dyaka, yandi yina mosi kwendaka na ntoto vutukaka samu na kuvwanda Kento ya makwela; kaka Kento ya makwela mpe Bakala ya makwela, kele nsuni mosi mpe menga, ministele mosi, bima mosi, na kusalaka kaka kieleka yina Yandi salaka; Mpeve.

<sup>264</sup> Mpe awa bawu ke na kulanda mpe ke na kusala nyonso yankaka, mpe mosi na mosi kele na buku ya yandi mpe ke na kukimaka, mpe yayi. Oh, beno me kuwaka ntete ve ba-sensation ya mutindu yina. Mpe, ke fula, ke fula, “Mu ke wa nsunga ya

diabulu ntangu yayi.” Nyonso *yayi, yina*, kaka yina me swaswana na masonuku mutindu ya lenda vwanda!

<sup>265</sup> Mpe kima ya kieleka kele kaka kuna na ntwala ya bawu, bawu ke kwenda, “Bawu kele ve ya organisation ya munu.” Oh, la la, kaka, beno me mona, kaka bampofo ke na kutwadisaka bampofo. Bawu nyonso ke kubwa ve na dibulu? Bawu kufwaka meso na binkulu ya denomination ya muntu, bawu tulaka Yandi na ngaanda ya dibuundu ya bawu mutindu Nzambi tubaka ti bawu ke sala, na Apocalypse 3; mutindu ntangu nyonso, mutindu beto pesaka profesii.

<sup>266</sup> Beno tala mutindu Yesu ku- . . . kuzabanaka Yandi mosi na bilandi yayi, ntangu yayi, mpe beto ke sukisa. Bilandi zole yayi, Caïphe . . . Cléopas, na kisika, mpe nkundi ya yandi. Ntangu yayi, beto kele na mvumbukulu, na suka na manima ya mvumbukulu, mvumbukulu ya ntete; wapi suka ya kitoko, Yesu me vumbuka na lufwa mpe ke zinga na kati-kati ya bantu ya Yandi. Wapi dibanza ya kitoko!

<sup>267</sup> Yandi kele awa mutindu mosi bubu yayi mutindu Yandi vwandaka kilumbu yina, samu ti Yandi kele mutindu mosi mazono, bubu yayi, mpe ku- . . . Mpe ke kukitalisa Yandi mosi kulutila bubu yayi kulutila yina Yandi kele na yawu na nsungi yankaka kubanda kilumbu yina; me luta na blé mpe mwinga mpe mpusu (me luta ntangu yayi), beto kele dyaka na kati ya blé. Beno me mona, beto ke vutuka na mbuma.

<sup>268</sup> Ya kuzabana mutindu . . . zaba . . . Beno tala mbote mutindu Yandi kuzabanaka Yandi mosi na bantu yayi, ntangu yayi, beno bambuka moyo, mutindu Mesiya ya bawu (kaka ntete beto sukisa) ya Ndinga ya nsilulu ya nsungi. Beno tala! Yandi monikaka, na . . . mutindu Yandi tubaka ti Yandi ke sala, na baprofete. Beno tala, “Bazoba, na bantima ya malembe na kukwikila ti baprofete nyonso me sonika na Yandi zolaka kulunga.”

<sup>269</sup> Beno tala Yandi mbote! Yandi ke manga kaka na Ndinga ya Nzambi, Yandi ke basika ve mpe ke tuba na bawu, “Beno zaba Munu ve? Mu kele Mesiya yina me vumbuka na lufwa.” Yandi tubaka yawu ata fioti ve. Beno me mona, Yandi pesaka kaka bawu Masonuku; mutindu Jean salaka, mpe bayankaka ya bawu. Beno me mona? Yandi kaka . . . Bawu fwana kubaka yawu bawu mosi. Bawu fwana kufundisa bawu mosi. Ntangu yayi, beno lala ve, beno fundisa beno mosi.

<sup>270</sup> “Bazoba, na bantima ya malembe na kukwikila nyonso yina baprofete tubaka zolaka kusalama.” Wapi mutindu ya kusemba samu na bayina tubaka ti bawu zabaka Yandi. Beno me mona?

<sup>271</sup> Beno tala mutindu Yandi ke belama na dilongi. Yandi basikaka ata fioti ve, mutindu mu tubaka na mwa minuti fioti me luta, mpe tubaka, “Mbote, nge zaba ve ti mu kele Mesiya ya nge samu na nsungi yayi? Nge zaba ve ti mu kele Yandi?” Kisadi

ya kieleka ya Nzambi ke kukitalisaka yandi mosi mutindu yina ata fioti ve; Masonuku ke talisa nani yandi kele. Ya kieleka, yandi ke sala yawu. Kasi ba vwandaka benda bukebi ya bawu na yina baprofete vwandaka tuba na kuvingila na nsungi ya Mesiya. Beno me mona yawu? Yandi vutukaka na yayi: “bantu ya kukondwa mayele, mpe bayina bantima kele malembe na kubakula, ve samu na kukwikila ti baprofete nyonso tubaka samu na Mesiya ke salama.”

<sup>272</sup> Yandi, mutindu Jean, bika Ndinga ya Biblia kutalisa Yandi, yina Yandi vwandaka samu na bawu. Yina zolaka vwanda pwelele mingi. Kana Ndinga talisaka Yandi, ti ya zolaka vwanda pwelele Nani nsilulu vwandaka bawu vwandaka tala. Bawu zabaka ti yandi vwandaka . . . muntu mosi kotaka na kusalu na ntangu yina.

<sup>273</sup> Na yina, Yandi tubaka, “Ntangu yayi bika Mu talisa yina Ndinga me tuba fwana salama na kilumbu yayi.”

<sup>274</sup> Mu kele ve, na nkokila yayi, mu ke na kumeka na kutuba na beno, Ndinga na nzila ya Ndinga (ata mpe na ntelamanu, kisika, bankumbu, lutangu, nyonso yankaka, mpe bidimbu nyonso, bantangu, mpe nyonso), ti beto kele kaka awa na ntangu ya nsuka? Kieleka beno lenda mona yina mu ke na kutuba. Beno me mona? Beno tala! Ya kele pwelele ti ya zolaka vwanda dyaka ve na nsatu ya kutalisama. Yandi tubaka, ntangu Yandi vwandaka awa na zulu ya ntoto, “Beno longuka Masonuku, na kati ya Yawu beno ke banza ti beno kele na Luzingu ya Kukonda nsuka, Ya kele yina . . . Ya ke pesa kimbangi ya yina mu kele,” beno me mona, “Nani mu kele.”

<sup>275</sup> Beno tala, Yandi bandaka na Moise profete, “Profete . . .” Deutéronome 18:15, mu ke na kutala Masonuku awa, Deutéronome 18:15, Moise tubaka, “Mfumumu Nzambi ya beno . . .”

<sup>276</sup> Beno me mona, Nzambi zonzaka na yandi na zulu ya mongo. Mpe, oh, la la, nzasi; bawu tubaka, “Bika—bika Mfumumu . . . Bika Moise kutuba, Nzambi ve, samu ti beto kufwa ve.”

<sup>277</sup> Yandi tubaka, “Bawu tubaka mbote. Mu ke . . . Mu ke zonza dyaka ve na bawu mutindu yayi, kasi mu ke vumbula bawu profete.” Mpe ya vwandaka nsangu ya Yandi nzila nyonso. Yawu yina ke sukisa diambu nionso na nsuka. Ya fwana kaka, samu Ndinga ya Mfumumu fwana kwiza na profete. Ya kele kaka kima yina Yawu lenda kwiza. Kana ya kele ve, ya ke zenga Ndinga ya Nzambi mpe ke sala Yandi kutuba kima ya yimbi. Beno me mona? Ya ke kwenda ata fioti ve na seminere. Ya ke kwenda na profete. Mpe ba me tinda profete na Nzambi, ba me tuma yandi. Mpe wapi mutindu beno ke zaba ti ya kele, mpe ve yina muntu ke tuba . . .

278 Beto me kuzwa ba-Élie, mpe bakazaka, mpe nyonso yankaka yina, mpe babuzoba, mpe mitindu nyonso ya buzoba, mpe kotaka na organisation mpe nyonso yankaka.

279 Kasi ya ke kwiza na zulu ya ntoto yayi, na nzila ya nsilulu ya Nzambi, kisadi ya kieleka ya Nzambi, yina me zabana na Nzambi (na nzila ya Ndinga ya Yandi yina vwandaka mvutu ya kilumbu yayi), yina ke tula Kento ya makwela na ndonga (mwa nkonga ya fioti ya dibuundu) mpe ke baka Yawu. Ya kieleka! Yandi ke lakisa, “Tala, ya kele na Yandi yina mu zonzilaka, beno me mona, yina ke kwiza.”

280 Mpe nyonso yina baprofete tubaka samu na Yandi, mpe samu na nsungi yayi, samu na yinki ya kieleka ya ke vwanda mbote na kuwa Yandi kutuba yawu. Beno ke zola ve kuwa Yandi kutuba yawu? “Baprofete nyonso tubaka samu na . . .” Beno bambuka moyo, Yandi tubaka yina baprofete ke tuba samu na Yandi mosi, na kutangaka Yandi Mosi, yina Yandi tubaka (mpe Yandi vwandaka Ndinga); na kutangaka.

281 Ntangu yayi beto kuwa Bandinga yina Yandi tubaka. Beno zola kuwa yina Yandi tubaka na bawu? Beto landila kaka disolo ya bawu ntangu yayi, kaka ntete beto sukisa.

282 Ntangu yayi, ba zabisaka bawu mambu nionso yina ya nsuka salamaka na kulunsi, ya disolo ya ntoni mpe ndyamu, mpe bakento monaka Yandi, mpe mosi yankaka tubaka ti bawu monaka Yandi, mpe nyonso yina. Yandi tubaka . . . Ba—ba kangaka Yandi na bunkufi. Mpe Yandi ke landila kaka na Ndinga na zulu . . . na kutangaka Yandi mosi na nzila ya Ndinga:

“Ntangu yayi beno tala na Zacharie 12.” (Yandi zolaka tanga Zacharie 11:12.) “Samu ti ba tekisaka Yandi na bambongo makumi tatu ya kisengo. Ba zolaka tekisa ve Mesiya na makumi tatu ya kisengo?”

“Na Psaumes 41:9, ba me teka Yandi na bankundi ya Yandi. Beno me mona?”

“Zacharie 13:7, me zimbana na bilandi ya Yandi.

“Na Psaumes 35:11, ba ke fundaka yawu na nzila ya bambangi ya luvunu.

“Na nzila ya Ésaïe 35:7, bababa na ntwala ya kufunda ya Yandi, ata mbala mosi ve kuzibulaka yinwa ya Yandi.” (Mbote mingi, tata.)

“Esaïe 50:6, ba ndimaka Yandi.

“Psaumes 22—22, Yandi bokaka na kulunsi, ‘Nzambi ya Munu, samu na yinki Nge me yambula Munu?’ ‘Mikwa ya Munu nionso ba ke tala Munu.’ ‘Ba tobolaka maboko ya Munu mpe makulu ya Munu.’” (Beno tala baprofesi Yandi zolaka zonzila!)

“Esaïe 9:6, ‘Samu na beto Mwana me butuka,’ ‘Mwense mosi ke kuzwa kivumu,’” nionso yina.

“Mpe dyaka na Psaumes 22:18, bawu—bawu me kabula bilele ya Yandi na kati-kati ya bawu.

“Na Esaie 7:14, ‘Mwense mosi ke kuzwa kivumu.’

“Psaumes 2:78, mu banza . . . kuseka na bambeni ya Yandi (Yandi, zolaka vwanda bankundi ya Yandi), bambeni ya Yandi, dibuundu.

“Na Psaumes 22 diaka, Yandi vwandaka . . . mukwa ya kubukana ve, kasi ba tobolaka maboko ya Yandi mpe makulu ya Yandi.

“Esaie 53:12, kufwaka na bimpumbulu.

“Na Esaie 53:9, ba me buka, mpe ba me zika yandi na mpangi ya bakala ya mvwama.

“Na Psaumes 16:10, Yandi vumbukaka na lufwa. David tubaka mutindu yina, ‘Mu ke bika ve Muntu ya Muntu ya Santu kumona kupola, to dyaka Mu ke bika moyo ya Yandi na difelo.’ Yandi vumbukaka na lufwa.

“Malachie 3, Jean Baptiste vwandaka muntu yina ke tekilaka Yandi.”

<sup>283</sup> Mpe bifwanukusu nyonso Yandi zolaka kufwanana! Mpe na Isaac na kuvwandaka kifwanikusu ya Yandi na zulu ya Mongo . . . na zulu ya mongo kisika tata ya yandi Abraham bakaka yandi, na Genèse 22.

<sup>284</sup> Ya vwandaka ntangu yayi ti bawu bandaka na kumona Nani lungisaka Masonuku yayi yina ba silaka samu na kilumbu yina. Ya vwandaka kuna, na manima ntangu lutaka. Ba bandaka na kumona, “Oh! Mbote, vingila fyoti! Nge zaba yinki?” Bawu zabaka na yina ti Nkundi ya bawu yina ba komaka na kulunsi, Yesu, vwandaka Profete yina ba silaka. Bawu zabaka samu . . . Beno me mona, bawu vwandaka ve ya kukangama na Masonuku.

<sup>285</sup> “Kasi, awa, bima nyonso yayi yina zolaka salama na kulunsi, bima nyonso yayi. Bazoba, na bantima ya malembe samu na kubakula bapofete nyonso me tuba; mutindu ti Mesiya ke tala mpasi, mpe ke kota na nkembo ya Yandi, mpe ke vumbula kilumbu ya tatu.”

<sup>286</sup> Dyaka bawu ke kwenda, “Oh, yinga. Ya kele kieleka. Mu ke tuba ti Yandi—Yandi . . . Bantima ya beto vwandaka pela ve na kati ya beto?” bawu tubaka. Kukondwa ntembe bantima ya bawu kunyenga! Bapofesi yina Yandi vwandaka pesa yina lungisamaka.

<sup>287</sup> Na manima bawu bandaka na kubakula ti Nkundi ya bawu, Muntu yina bawu kudyaka, vwandaka solula na yandi, me vukana na bawu, me kwenda na kati ya mfinda, yina me lungisaka konso Ndinga ya ngunga ya nsilulu! Yawu yina. Bawu tambulaka pene ya bakilometele kumi, ya monanaka mutindu mwa ntangu ya nkufi, Mu banza, mpe bawu kuwaka dilongi ya

bangunga sambanu na zulu ya profesu yina me siamisama (mwa ntangu mingi kulutula yina beto me kuzwa na nkokila yayi, beno me mona). ntangu vwandaka me luta fioti na ntangu ya nkokila, Bansemo ya nkokila me kwisa.

<sup>288</sup> Ya kele ntangu mosi ntangu yayi, dibuundu! Bansemo ya nkokila me kwisa! Hebreux 13:8, “Yandi kele mutindu mosi mazono, bubu yayi, mpe kukonda nsuka.” Oh, diambu me salama pwelele na nzila ya profesu, mutindu mosi bubu yayi. Nsemo ya nkokila silaka na nzila ya profete ya Nzambi, na Zacharie 14:7, bika diaka kuzibula meso ya mukwikidi ya kieleka na diambu yina ke na kusalama bubu yayi, yina me siamisama na baprofesi ti beto me kuma na ntangu ya nsuka. Yesu ke kwisa.

<sup>289</sup> Kieleka . . . Ya kele . . .

<sup>290</sup> Yandi tubaka, “Ya ke vwanda na kilumbu yina ba ke bokila yawu ve mpimpa to kilumbu mosi.” Yandi tubaka, “Kasi na nkokila ya ke vwanda na Nsemo.” Ntangu yayi, beto zaba, landila géographie, mwini ke basikaka na esete mpe ke lalaka na wesete. Ntangu yayi, profete tubaka, “Ya ke vwanda na mupepe ya yinda ya ntangu yina ke vwanda ya boma, mutindu ya . . . ba zolaka bokila yandi ve kilumbu to mpimpa; ya kele mutindu kilumbu ya mpimpa, ya mpimpa.”

<sup>291</sup> Ntangu yayi, wapi Mwana basikaka? Yina . . . Yina vwandaka M-w-a-n-a [S-o-n—Mu.] beto ke na kuzonzila ntangu yayi. Ti m-w-a-n-a ya yinza ke basikaka na esete mpe ke lalaka na wesete. Nzambi kaka mosi, kaka mutindu mosi . . . *Mwini*, mu zola kutuba. Mpe M-w-a-n-a ya Nzambi baikaka ntete na esete, na bantu ya esete.

<sup>292</sup> Mpe ntangu yayi na manima Yandi me bika, yinki bawu salaka? Bamvula bankama tatu na ntwala, bawu bandaka organisation ya bawu ya ntete, dibuundu ya Catholique ya Rome. Na nzila ya Nsungi ya Mudidi bawu kwendaka, mpe bawu basikaka. Yinki bawu salaka? Kima mutindu mosi. Ya vwandaka kilumbu ya . . . Ba vwanda bokila yawu ve kilumbu to mpimpa. Bawu vwandaka na ndonga mingi, tii bawu kwikilaka ti Yandi vwandaka Mwana ya Nzambi, mpe tambulaka na nsemo yina bawu kuzwaka, bawu salaka mabuundu ya bawu mpe tungaka balupitalu mpe balukolo mpe nyonso yankaka yina, mpe baseminere, fidisaka bana ya bawu na lukolo.

<sup>293</sup> Kasi profete tubaka, “Ya ke vwanda dyaka na Nsemo na ntangu ya nkokila. Mwana ke basika dyaka, ya ke vwanda na Nsemo.” Yinki? Mwana mosi (M-w-a-n-a) yina me monisama pwelele na ntutu na ntangu ya suka, kuna na manima, ke monana dyaka na ntangu ya nkokila.

<sup>294</sup> Ntangu yayi beno fwanikisa Santu Luc 17:30, “Mpe na kilumbu yina, mutindu ya vwandaka na bilumbu ya Sodome, kisika ya yinza, na ntangu yina Mwana ya muntu ke monisama pwelele.”

Ya ke vwanda na Nsemo na ntangu ya nkokila,  
Nzila ya Nkembo kieleka beno ke mona yawu.

295 Oh, la la! Bantu, wapi kisika beto kele?

Bayinsi ke na kupanzana, Israel ke na kuvumbuka,  
Bidimbu yina baprofete zabisaka na ntwala;  
Bilumbu ya Bantu ya makanda me tangama,  
me fuluka na boma; (Beno tala mbote kusyelumuka na mubu!)  
Vutuka, O nge yina me zimbana, na yina ya nge.  
Kilumbu ya mpulusu me belama,  
Bantima ya bantu ke na kubwa na boma;  
Beno vwanda ya kufuluka na Mpeve, minda ya beno ya kukubika mpe ke ngenga,  
Beno tala na zulu! mpulusu ya beno me belama. (Beno ke sala mbote.)

296 Mpangi-bakala, mpangi-kento, ya kele ntangu ya kusala mutindu yina. Beno tala mbote bima yina ba pesaka profesi, beno tala mbote bima kusalama. Beno tala mbote profesi nyonso yina me salama, na yina beto ke mona yina nyonso yayi kele. Ya kele ve nkonga ya nsinga ya bufanatiki. Ya kele Nzambi ke na kusiamisa Bandinga ya Yandi kieleka, kieleka. Ba me bula Ditadi, bankundi, beno tina ntama na Yawu na nswalu nyonso mutindu beno lenda. Profesi ke na kusiamisaka kilumbu yina beto ke na kuzinga.

297 Beto kulumusa bayintu ya beto. [Mpangi mosi ya bakala ke na kuzonzaka na ndinga yankaka. Mpangi mosi ya kento ke na kupesa lutendulu. Mpangi mosi ya bakala na estrade ke tuba, “Beto lenda vwanda swi mwa ntangu fyoti? Nzambi me zonza na beto na nzila ya Mpangi Branham, mpe kupakulama kele na zulu ya Mpangi Branham, mpe yandi me manisa ve. Mpe. . .” Kisika ya mpamba na bande—Mu.]

298 Nzambi ya luzolo! Beno ke na kubakula kilumbu yina beto ke na kuzinga, bankundi? Beno lenda swana na Nzambi? Beno ke tuba ti “Yandi kele ya kusungama ve,” ntangu Yandi me siamisa Yawu? Yandi kele mutendudi ya Yandi Mosi. Beno zola kusadila Yandi?

Ntangu yayi na bayintu ya beno ya kukulumusa, mpe bantima ya beno ya kukulumusa, mpangi-bakala, mpangi-kento.

299 Yayi lendaka vwanda ntangu ya beto ya nsuka ya lukutakanu. Beto lendaka ata fioti ve. . . Kana mu ke vutuka na mvula mosi kubanda bubu yayi, kana mu zinga, ya ke vwanda na mingi yina kele awa ntangu yayi yina ke vwanda ve awa na ntangu yina. Mpe mu fwana kutana na beno na Kiti ya Lufundusu mpe kupesa mvutu samu na nyonso yina mu me tuba na nkokila yayi.



<sup>300</sup> Na ntuala ya Nzambi, na yina beno kele na kati ya mabanza ya beno ya mbote, beno zola ntangu yayi kusala mingi yayi na Nzambi? Kana beno zaba ti beno kele . . . Beno tala kaka beno mosi na kitala-tala ya Nzambi, Biblia, ata nani beno kele, mpe beno tuba, “Mu zaba ti mu kele ntama mingi ve na kuvwanda mwana ya kento ya Nzambi, beno tala mutindu mu ke salaka. Mu kele ntama mingi ve na kuvwanda mwana ya Nzambi, beno tala mutindu mu ke salaka. Kasi, Nzambi, mu zola vwanda ve, mu—mu zola kunwana samu na kisika yina.” Mu zola ti beno telemisa diboko ya beno na Nzambi, konso muntu yina beno kele, konso kisika yina beno kele na kati ya yinzo yayi, “Yinga, mu zola kuvwanda mwana ya bakala ya Nzambi. Mu zola kuvwanda mwana ya kento ya Nzambi. Mu zola kulungisa nyonso yina Mfumu ya munu me tuma.” Ntangu yayi beno . . . Nzambi sakumuna beno. Mu banza makumi yivwa na zulu ya nkama ya bantu.

<sup>301</sup> Ntangu yayi beno tala awa, nkundi ya munu. Yinki kana beno zolaka zinga na bilumbu yina beno kuwaka Jean kulonga? Yinki kana beno zolaka zinga na bilumbu yina ntangu Yesu vwandaka awa? Wapi lweka beno zolaka baka? Kana beno zingaka na ya Yesu . . . Beno bambuka moyo, kana Yandi . . . Kana beno zingaka kuna na manima, ya zolaka vwanda kaka mutindu ya kele ntangu yayi. Yesu mosi yina ke na kuzabanaka Yandi mosi na nzila ya Ndinga ya Yandi, beno me mona, mpe Yawu kele kieleka ya kuzabana ve.

<sup>302</sup> Kasi beno bika mu tuba na beno, mu ke na kumeka ve na kutuba na bantu na kukatuka na dibuundu to . . . Oh, mu zola ti beno kwenda na yinzo-Nzambi, “Beni bika ve kuvukana beno mosi kintwadi.” Kasi yina mu ke na kumeka na kutuba na beno na kusala kele kukwenda mbangu samu na kukota na Kimfumu ya Nzambi. Beni bika yayi, yinza, dibuundu . . .

<sup>303</sup> Ba-Pentecotiste, beno bantu ke na kukuma mingi na yinza. Beni me kuma mingi na manima ya yinza. Ya kele kaka kukondwa mpasi, beno ke tala mbote ba-television mpe bika nyonso yayi, mpe mutindu bawu ke na kusalaka, mpe nyonso *yayi*, mpe kima ya ntete beno zaba . . . Baseminere, balukolo ke na kubandaka na kukakula awa mpe kuna, mpe *yayi*, *yina*, mpe *yankaka*, mpe kima ya ntete beno zaba . . . Ya fwana kwiza mutindu yina. Dibundu ya ba-Pentecotiste, yawu vwandaka lusalusu ya munu ya kulutula nene, mu lenda tuba kima mosi ve samu na yawu. Kasi ya kele yina mu ke bokaka, “Bampangi ya munu, beno basika!” Kubokila . . . Nge kele ve na balukutakanu yina nge vwandaka na yawu. Bantu kele ve mutindu ba vwandaka ntete. Kasi Yesu Klisto kele mutindu mosi, beto kota na kati ya Yandi.

<sup>304</sup> Ntangu yayi, beno yina me telemisa maboko ya beno, beno bambuka moyo, ya vwandaka na Ditadi yina ba bulaka na ntoto ya kuyuma, mpe Yinto yango kele dyaka ya kuzibuka na nkokila

yayi. Ba bulaka Ditadi ya bawu, Klisto, Yandi kele Ditadi yina ba bulaka.

<sup>305</sup> Mpe na nkokila yayi, na mutindu mu me zaba, ti dibuundu lendaka vwanda. . . Ntangu ya kubokila lendaka luta yimeni, Mu zaba ve, mu lenda tuba yawu ve. Beno bambuka moyo, bantu landilaka kaka na kuzwa balukutakanu, kaka mutindu mosi, na manima ya kukomama na kulunsi ya Yesu. Mpe. . . bantu nyonso, bawu—bawu ke kwiza, bawu. . . Beno tala mbote! Bawu—bawu ke landila kaka na kulonga, mpe ke tuba ti bawu kele “kuzwa mpulusu” mpe nyonso, kaka mutindu kana. . . “Yinza kulandila mutindu ya vwandaka,” bawu ke tuba. Kasi ntangu ke luta mingi.

<sup>306</sup> Na yina beno kele na siansi, mpangi ya munu ya bakala; na yina beno kele na siansi, mpangi ya munu ya kento; beno kwiza na Kimfumu ya Nzambi. Beno fwana kota ve na yisi ya kima yankaka kasi kaka lukwikilu ya kusungama na kukwikila Ndinga ya Yandi. Yandi kele Ndinga yango! “Mfumu Yesu, mu zaba, mu ke na kutalaka munu mosi ntangu yayi na kitala-tala ya Ndinga ya Nzambi; oh, mutindu ntama mu kele. Kasi, Nzambi ya luzolo, awa na nkokila yayi, na Kilumbu ya ntete yayi na nkokila, awa na San Bernardino, na Californie, na kivinga yayi awa, yayi kele—yayi kele nyonso yina kele na munu, Mfumu, kasi mu ke pesa yawu na Nge. Nge zola kubaka munu mutindu mu kele, Mfumu? Beno zola bika munu kukima na kulunsi na nswalu nionso? Mu ke mona mpe minati-nsangu. Mu ke mona ntangu yango, mu ke mona lubokilu ya Sodome. Mu ke mona bidimbu. Mu ke mona kimvuka ya Abraham ke na kuzwaka Nsemo. Mu ke mona kumonisama, Yesu me monisama diaka na kati-kati ya beto mutindu ya vwandaka. Mu ke mona bima nyonso yina Nge silaka. Mu ke mona bamekudi; mu ke mona Nge tubaka ti, ‘Mutindu ya vwandaka na bilumbu ya Moise,’ mutindu Jambrière na Jannès ke vutuka samu na kumekula, mpe dyaka kuvwanda kaka na kati ya fulu mosi yina bawu vwandaka.”

<sup>307</sup> Beno me mona, bawu lendaka ve kulanda Moise na nzila ya Ndinga yina mpe kubasisa bana yina kuna na ntoto ya kuyuma, samu ti bawu vwandaka ya kuvukana na Egypte. Bawu zolaka sala yawu ve, ata ti bawu salaka bisalu mosi yina yandi salaka. Kasi bulawu ya bawu kutalanaka. Mpe Biblia ke tuba, ya kele MUTINDU ME TUBA MFUMU, “Ya ke salama dyaka na bilumbu ya nsuka.”

<sup>308</sup> Mpe beno ke mona yawu na meso ya beno mosi, kana beno kele ya kimpeve. Mu kele. . . Mu lenda ve kutendula Yawu. Ya kele mfunu ve ti mu tendula Yawu. “Mameme ya Munu ke kuwaka Ndinga ya Munu.” Beto kwenda na Yandi ntangu yayi, na yina beto kele na siansi. Beno zola?

<sup>309</sup> Kana beno kele na nsatu ya mbotika ya Mpeve-Santu, kana beno kele na nsatu ya kukipesa dyaka, luzingu ya malu-malu;

pasteur ya beno ke vweza beno ve, yandi ke zola beno samu na yawu. Beno kukipesa kaka muvimba na Nzambi na nkokila yayi, na yina beto kele awa. Ti . . . Ya kele, mu zaba ti ya kele mpasi, na kuzenga, na mutindu ya ngitukulu, mu ke sala yawu ve samu na kutuba, mu ke sala yawu samu na kuvwanda ya kusungama. Mu ke salaka yawu samu ti mu zola beno, mu zola Nzambi, mpe mu ke salaka yawu samu na kumeka kusadisa beno. Mpe ya kieleka, nkundi ya munu, mu—mu—mu ke kwikila . . . Mpe na ntima ya munu ya muvimba, na lukwikilu ya munu nionso, mu ke kwikila ti Nsangu ya munu me katuka na Nzambi. Ya kele—Ya vwandaka monisa yawu na beno, na nzila ya bamvula.

<sup>310</sup> Ntangu yayi beno kuwa, na nkokila yayi beno bika nyonso yina kele na beno, nyonso yina kele na beno nsatu. Mu ke kwikila, na ntima ya kieleka, ya kukipesa, kana nge telema, mpe telemisa maboko ya nge na Nzambi, mpe kutuba, “Nzambi ya Luzolo, munu yandi yayi. Baka munu, Mfumu. Mu ke meka dyaka ve na kusadila mabanza ya munu mosi mpe ntendulu ya munu mosi. Ndinga ya beno ke tuba ti mu fwana vwanda ‘santu, mu fwana butuka mbala zole, mu fwana fuluka na Mpeve, mpe kuna Mpeve ke twadisa munu na kati ya Kieleka nyonso.’ Nzambi ya Luzolo, munu yandi yayi, twadisa munu.” Beno zola kusala mingi yina? Kana beno sala mingi yina, beno telemisa diboko ya beno, beno tuba, “Mu zola kusala yawu, mu zola kusala yawu.”

<sup>311</sup> Na yina beto nionso kutelama.

Kaka mutindu mu kele, kukondwa kima mosi  
ve,  
Kasi Menga ya Nge yina basikaka samu na  
munu,  
Mpe ndinga ya Nge ke bokila munu na Nge,  
O Mwana-dimeme ya Nzambi, (Kielo mosi  
kaka ya Nzambi) . . . kwiza! Mu . . .

Ntangu yayi beno kuzwa kisalu ya beno nyonso, nyonso yankaka, kulemba ya beno, nyonso! Yinki kana beno vwanda kufwa ntangu yayi?

Kaka mutindu mu kele, Nge ke kuzwa,  
Nge ke yamba, ke lemvokila, ke vedisa, ke  
yamba;  
Samu ti mu . . .

Beno zola kutelemisa diboko ya beno, na nzila yayi ntangu yayi?

. . . Nsilulu ya nge, mu ke kwikila,  
O Mwana-dimeme ya Nzambi, mu me kwiza!  
Mu me kwiza!

<sup>312</sup> Ntangu yayi na yina organiste ke landila na kubula, beto nionso . . .

313 Bantwenya ya bakento, beno zola kubaka mutindu yayi awa na bala-bala, nkonga yayi ya ba-voyou?

314 Mpangi-kento, nge zola kulwata nsuki ya nkufi, ntangu ya kele lukumu ya nge ya Naziréat ti Nzambi kuvwanda na nsuki ya yinda? “Ya kele nsoni samu na kento na kuzenga bansuki ya yandi.” Beno ke lwata mwa ba-jupe yayi ya ntama mpe bima yina ba ke lwataka bubu yayi, ya robe yayi ya nsoni, na nzutu ya beno ke lakisa na nzila ya yawu, kuna na bala-bala? Beno zaba bakala nyonso yina ke tala beno ke salaka kindumba na beno na kati ya ntima ya yandi? Mpe beno ke talana mutindu yina. Beno zaba, bakento, beno yina ke lwataka maquillage, ya kele kaka na kento mosi na kati ya Biblia yina me tulaka ntete maquillage? Mpe Nzambi dikisaka yandi na bayimbwa. Jézabel, nkumbu yina ba yinaka kubanda kilumbu ya yandi, samu na bisalu ya yandi ya kusala yawu. Beno zaba ti ya vwandaka Élie profete yina singaka yawu mpe bokilaka yandi na ngaanda na mutindu yina? Beno zaba ti ya vwandaka Hérode yina Jean Mubotiki kuzwaka manima? Beno . . . Beno zola ve kuvwanda kima yango ya Hollywood ya yinza. “Kana beno zola yinza to bima ya yinza, zola ya Nzambi kele ve na kati ya beno.”

315 Mpangi-bakala, nkundi ya longi, kima mosi ve . . . Pardo bakula munu, mu kele mpangi ya beno ya bakala. Beno zola kuvukana beno mosi, mpe beno bamambeke ya dibuundu ya dibuundu mosi (Methodiste, Baptiste, to nyonso yina beno lendaka vwanda), beno zola kukangama na denomination yina samu mama ya beno mpe nkooko ya beno ya kento me kangamaka na yawu? Yandi basikaka na kima mosi samu na kukota na yawu, yina vwandaka Nsemo ya kilumbu yina; ti, mutindu na bantangu ya Noé. Yayi kele kilumbu yankaka.

316 Beno ke tuba, “Mbote, mu vwandaka . . .”

317 Yayi kele ve kilumbu ya Pantekote. Nsungi ya Pantekote me luta. Pantekote me kwenda, yayi kele ntangu ya kubuka bambuma. Beno me mona? Mpe ntangu ya kubuka bambuma, mbuma; maza me tiamuka, mbuma ke na kuyela. Kota na mbuma, mpangi ya munu ya luzolo. Beno kuwa munu, beno kwikila munu, kana beno ke kwikila ti mu kele kisadi ya Nzambi, ti beto nyonso, na mutindu ya beto mosi, kukulumusa bayintu ya beto na kukikulumusa nyonso mpe kupesa kisambu ti beto—ti beto zaba ti beto fwana pesa, “Nzambi, baka munu mutindu mu kele.”

318 Mpe mpangi-bakala, mpangi-kento, mu me kukipesa munu mosi na zulu ya autel na nkokila yayi, mpe: Nzambi, yidika munu mpe sala munu mutindu yankaka. Sala kima mosi, Nzambi, sala munu na mutindu ya Nge.

319 Beno banza ti ya kele mpasi ve na kutelama awa mpe kuzenga bantu na bitini mutindu yina? Ya kele kima ya mpasi na kusala. Kasi kyadi na munu kana mu sala yawu ve.

<sup>320</sup> Nzambi ya luzolo, mutindu bantu yayi ke kulumusa yintu ya bawu mpe ntima ya bawu, na bantangu yayi ya nene ya kukanga ntangulu ya Biblia yayi; ntangu beto ke mona nsiamisa ya Mpeve-Santu yina ningisaka yinsi yayi mpe na ntwala, mpe na manima mpe na ntwala, ba-reveil ya nene mpe bakumona ya nene, na kuzabaka ti kima mosi fwana landa yawu. Mpe kuna kumona Bawanzio sambwadi yango kukwiza kuna na zulu ya mongo yina kuna na Arizona, ntangu mpe bamagazini na yina ya muvimba me zonzila yawu. Kumona Yesu Yandi mosi kuna na mazulu, na kutalaka na yisi, mpe tubaka ti, “Na Apocalypse 10:7, na Nsangu ya wanzio ya sambwadi, Bidimbu yayi ke zibuka, Mansweki ya Nzambi ke zabana,” ti basungiki zingaka mingi ve samu na ku—kubasisa yawu. Mpe awa, Bidimbu Sambwadi yayi yina kangaka kidimbu ti nionso ke zibuka na kilumbu yayi. Kumona bidimbu nyonso yayi ya nene mpe mambu ya ngitukulu yina kusalamaka, me siamisama, me tubama na ntwala ya salama, mpe ata mbala mosi ve ti Nge me lemanaka beto, kasi ya salamaka kaka mutindu ba tubaka yawu.

<sup>321</sup> Nzambi ya luzolo, beto me bakula ti Yesu Klisto keke na kati-kati ya beto. Beto zaba ti Yandi keke awa. Yandi keke awa na nkokila yayi, Nzambi yina ke monikaka ve na meso keke awa na beto, mpe lenda siamisa konso nsilulu yina Yandi salaka na kati ya Ndinga ya Yandi. Mutindu Nge telamaka mpe siamisaka na bawu, na mukongo ya kubalula na manima, kuna na mbandukulu na ntwala bamekudi kukota, Mfumu, to kukota na dikanda, mutindu ya vwandaka. Nge talisaka mpe siamisaka, pesaka profesi mpe tubaka kieleka mutindu ya ke salama, mpe beto ke mona ti ya me salama mutindu yina. Mpe, Tata Nzambi, beto zaba ti ya lenda vwanda muntu ve, ya fwana vwanda Nzambi. Na yawu beto zaba ti ya keke Nge awa na nkokila yayi. Lemvokila beto masumu ya beto.

<sup>322</sup> Nzambi ya luzolo, Nge me belusa kimbevo ya beto, ntangu yayi samu—lemvokila masumu ya beto, Mfumu, na kuvwandaka ve mutindu ya Muklisto ti beto fwana vwanda, ve...Na kutubaka ti beto keke bakala to kento ya Nsangu ya mbote ya muvimba, mpe awa beto ke mona ti beto ke na kudinda na kati ya kulemba mutindu nsusu ya denomination. Sadisa beto, Nzambi ya luzolo, baka beto mpe ningisa beto na Mpeve-Santu ya Nge. Mpe kana ya keke na kima na kati ya beto yina keke ve mutindu Nge, katula yawu na beto, Mfumu. Mpe na kukuna makulu ya beto na Ndinga ya Nzambi ya Santu, mpe ti Mpeve-Santu kupela na kati ya ntima ya beto mpe kubaka mvindu nyonso ya kukondwa lukwikilu mpe kuvukana ya kilumbu yayi; oh, telama mpe kukiningisa beto mosi. Pesa yawu, Nzambi. Sukula beto! Yidika beto! Sala beto! Nzambi, pesa yawu.

<sup>323</sup> Kana ya keke na mosi na kati awa na nkokila yayi, Mfumu, yina me kangama na kati ya ntima ya bawu mbuma yina, ti gene ya Nzambi yina ba tumaka na Luzingu kubanda mbandukulu

ya yinza; Mu zaba, Mfumu, ti ba me kanga bawu na kuwa na ngunga yayi. Na yawu, mu ke sambila, Nzambi, ti Nge ke fulusa moyo ya bawu mpe ke bebisa bawu na mbotika ya madidi ya Mpeve-Santu, mpe ke fidisa bawu na nzila ya bawu, na kusepela mpe kiese.

<sup>324</sup> Mfumu Nzambi, bawu . . . Mu me pesa bawu na Nge. Mu zaba ve nani bawu kele, Nge zaba. Mu kele kaka na kizitu ya kulonga Ndinga ya Nge, Mfumu, mutindu Nge ke monisa Yawu. Beno kele na kizitu ya yawu nyonso: kisika Nkuna ke kubwaka. Mu ke losa kaka Yawu. Mfumu Nzambi, mu ke sambila ti Yawu kubwaka na mutindu ya mbote na, nkokila yayi. Ti mingi ke mona Yawu, Mfumu, mpe ke telama samu na kulezima Baklisto na bilumbu yayi ya nsuka, ti kima ya nene yina beto ke na kuingila na kukwiza, ke kwiza na nswalu. Pesa yawu, Mfumu. Mpe Nge ke baka Dibundu ya Nge, Kento ya Nge ya makwela, mpe ke nata Yandi na yinzo. Beto ke mona Yawu nyonso ya kuvwanda na ndonga. Kwiza, Mfumu Yesu. Beto me pesa yawu nyonso na Nge, na Nkumbu ya Yesu Klisto, samu na bandandu. Amen.

Mu zola Yandi, mu zola Yandi  
Samu Yandi zolaka munu ntete  
Mpe futaka mpulusu ya munu  
Na Calvaire . . .

<sup>325</sup> Beno zola Yandi? Mbote, na yina beno fwana zolana mosi na yankaka. Beno pesana mbote mosi na yankaka ntangu beno ke yimbila yawu diaka:

Mu zola Yandi, mu zola Yandi  
Samu Yandi zolaka munu ntete  
Mpe futaka mpulusu ya munu  
Na . . .

<sup>326</sup> Ntangu yayi beto pesa Yandi lukumu. Bantu yikwa zaba nkunga yayi:

Mu ke kumisa Yandi, mu ke kumisa Yandi,  
Beno kumisa Mwana-dimeme yina kufwaka  
samu na bansumuki;  
Beno pesa Yandi nkembo beno nyonso bantu,  
Samu Menga ya Yandi me sukula matono  
nionso.

<sup>327</sup> Beto yimba yawu ntangu yayi:

Mu ke kumisa Yandi, mu ke kumisa Yandi,  
Beno kumisa Mwana-dimeme yina kufwaka  
samu na bansumuki;  
Beno pesa Yandi nkembo beno nyonso bantu,  
Samu Menga ya Yandi me sukula matono  
nionso.

<sup>328</sup> Beno ke na kuwa ve ya kukangama? Beno telemisa maboko ya beno mpe beno tuba, "Oh, yina ke sala ti mu kuwa mbote."

Mpangi, mu zola bankunga yango ya ntama. Beno ve? Ba ke kwenda na ntima.

Mu ke kumisa Yandi, mu ke kumisa Yandi,  
Beno kumisa Mwana-dimeme yina kufwaka  
samu na bansumuki;  
Beno pesa Yandi nkembo beno nyonso bantu,  
Samu Menga ya Yandi me sukula matono  
nionso.

<sup>329</sup> Beto telemisa kaka maboko ya beto ntangu yayi mpe beto kumisa Nzambi, beto nionso, na mutindu ya beto mosi.

<sup>330</sup> Mfumu Yesu, beto ke tonda Nge. Beto ke kumisa Nge, Mfumu. Beto ke pesa Nge lukumu samu na bantu yina ba me bokila na kubasika, na Babybone. Beto ke tonda Nge samu na Menga ya Mwana ya Nge, Yesu Klisto. Beto ke tonda Nge samu ti Yandi me kumisa beto ya kutsyema minuti yayi. Beto samu na . . . Beto ke lomba lemvo ya miyimbi ya beto, bulawu ya beto, Mfumu, ditadi ya beto ya disakuba na kati ya mudidi. O Nzambi, ti beto telama mpe kulezima, mpe kutambula na Nsemo ya nkokila, mpe kuvwanda mbuma ya Yinti yina ke basika na nzila ya Bansemo ya nkokila. Pesa yawu, Nzambi ya luzolo. Beto ke kukipesa beto mosi na Nge, na Nkumbu ya Yesu Klisto.

<sup>331</sup> Ntangu yayi na bayintu ya beno ya kukulumusa, mu ke pesa beno na ba-pasteur ya lukutakanu.



*MAMBU YA BILUMBU YAYI ME MONISAMA*  
*PWELELE NA NZILA YA PROFESI* KNG65-1206  
(Modern Events Are Made Clear By Prophecy)

Nsangu yayi ya Mpangi William Marrion Branham, kulongamaka na Kingelesi, na Kilumbu ya ntete na nkokila, na kilumbu ya 6 ya Ngonda ya kumi na zole, na mvula 1965, na Lukutakanu ya mukembu ya Yinza ya muvimba ya Bantu ya Mumbongo ya Nsangu ya mbote ya Muvimba na Orange Show Auditorium na San Bernardino, California, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo-Kituba basisamaka na buku mpe ba kabulaka yawu na Voice Of God Recordings.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)